

S T E N O G R A M

**17. Radne sjednice Skupštine Kantona Sarajevo
održane 28.06.2016. godine sa početkom rada u 10,00 sati**

Predsjedateljica:

Pozdravljam uvažene kolege i kolegice zastupnike, članove Vlade i uvažene goste, kao i predstavnike medija koji prate rad današnje sjednice. Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem srdačne pozdrave, a svima nama želim uspješan rad i atmosferu.

Prema evidenciji Službe, sjednici prisustvuje 27 zastupnika, što je sasvim dovoljan broj za punovažan rad i odlučivanje.

Izostanak sa ove sjednice opravdali su: Sejo Bukva, Segmedina Srna Bajramović, Mario Vukasović, Izudin Bajrović i Safet Mešanović. Kašnjenje su najavili: Čomor Eldar i Okerić Elvedin.

Prije nego što počnemo sa radom današnje Skupštine premijer je izrazio želju da želi da se javi. Izvolite uvaženi premijeru.

Premijer Elmedin Konaković:

Zahvaljujem predsjedavajuća. Poštovana predsjedavajuća, dopredsjedavajući, sekretaru, poštovani zastupnice i zastupnici, ministrice i ministri u Vladi, poštovani gosti, gledaoci TVSA, sve vas srdačno pozdravljam i želim vam uspješan rad na današnjem zasjedanju. U hodnicima smo čuli male kritike i ne bi smo da uđemo u neku polemiku i samo bih da pojasnim nekoliko stvari. Mi zaista sa Kolegijem skupštinskim imamo fenomenalan odnos i kada nam treba neka dopunska tačka za koju cijenimo da je bitna, vi znate da vas ja i personalno kontaktiram i zamolim da izađete Vladi u susret da se ona nađe kao tačka dnevnog reda na zasjedanju. Danas smo imali prigovore koji su realni da se niste mogli dovoljno pripremati za neke izvještaje iz oblasti privrede i mi naravno nemamo ništa protiv da se te tačke povuku, i evo, ja ću ih u ime Vlade povući. Samo sam želio zaista da objasnim da zaista nismo zbog kratkoće vremena insistirali da se ove tačke dnevnog reda nađu danas na sjednici Skupštine Kantona Sarajevo, nego smo to zbog dinamike i vidjeli ste da smo sve izvještaje uspjeli pomjeriti u ovom prvom kvartalu. Ovo su jedini koji kasne i objektivno je malo vremena da bi ste se vi mogli pripremati. Mi nismo insistirali da se one danas nađu kao tačke dnevnog reda, i evo ovom prilikom ih Vlada povlači sa dnevnog reda, tako da imate dovoljno vremena da se za ovih pet preduzeća pripremite za narednu sjednicu. Samo sam to htio u startu jer smo imali kritike i prije od kolege Pindže i vas objektivne da dopunskih materijala bude više nego tačkaka dnevnog reda. Mi to prihvatamo i zaista nismo insistirali i Kolegij je kako smo završili sjednicu Vlade, mi šaljem odmah materijale u skupštinsku proceduru. Nismo insistirali, a eto uvrstili ste ih danas, i vjerovatno je zbog toga bio mali nesporazum.

Predsjedateljica:

Hvala lijepo. Izvolite gospodine, Zvonko Marić.

Poslanik/zastupnik Zvonko Marić:

Dame gospodo, pozdravljam sve prisutne, naravno posebice gledatelje koji prate televizijski prenos, ali gospodine premijeru hvala vam za to što ste nam u neku ruku izišli u susret i sigurno izbjegli neke polemike u ovoj Skupštini, a nije ni vrijeme ni mjesto da o tome raspravljamo. Međutim, osim te činjenice da na neki način postaje manir da se uvrštavaju neki izvještaji koji zaista nemaju smisla, gube svaki smisao, ne samo zbog te činjenice, već i zbog činjenice da u neku ruku ova metodologija, a stalno smo ukazivali na to, i pored ostalih i ja, nije dobra. Bukvalno prepisuju se izvještaji iz prethodnih godina i u velikom broju stranica najlakše se sakrije ono što je najbitnije jer se teži tome i maltretiraju nas sa ovakvim izvještajima, sa preko 200 strana. I ako imate pet poduzeća to je hiljadu strana. Ni toliko nema stranica ni saga o Forsajtima. I mislim da to nije u redu. Mislim da se mora naći drugi način i izvući se najbitnije stvari a ne neke besmislice o kojima mi moramo razmišljati i obeshrabruju nas. A vi se sjećate

toga da sam ja rekao, mnoge zastupnike izvještaj od preko 200 – 300 strana. Pa zaista nema smisla. I čemu to vodi. Tamo su mnoge besmislice poredane, a najbitniji podaci izostanu. Ako možete da utičete dakle na sve te ljude da na neki način prilagode metodologiju izvještaja na neki drugi način, a ne da prepisuju izvještaje iz prethodnih godina, mijenjajući pri tome samo neke od cifara. Hvala vam.

Predsjedateljica:

Hvala lijepo uvaženi gospodine Marić. Premijeru izvolite.

Premijer Elmedin Konaković:

Pa ja se apsolutno slažem. Vi možete zamisliti našu ulogu, mi u suštini smo ovdje priređivači materijala. Zakon o javnim preduzećima Federacije, čini mi se član 5 ili 6, kaže da Skupština Skupštini podnosi izvještaj. Dakle ovo su organi koje bira Skupština Kantona Sarajevo, Skupštini preduzeća i oni vama podnose izvještaj o radu, najmanje jednom godišnje. Dakle, slažem se apsolutno i evo mi ćemo na sebe preuzeti da eventualno pokušamo unaprijediti nekom novom metodologijom. I mi vjerujte kada pripremamo ili čitamo te materijale pogledamo onu suštinu, neke pokazatelje finansijske, internu – eksternu reviziju, dakle ono što je u suštini objektivno. A sigurno je da toga ima u ovim materijalima viška. Evo mi prihvatamo sugestiju, i ministri će svako u svom resoru biti zaduženi da popravimo metodologiju. Hvala.

Predsjedateljica:

Hvala lijepo uvaženi premijeru. Sada nastavljamo dalje.

Prijedlog dnevnog reda ste dobili, odnosno on je utvrđen 13.06. na Kolegiju.

Na osnovu člana 73. Poslovnika Skupštine Kantona Kolegij je prihvatio sljedeći dnevni red za 17. Radnu sjednicu sa dopunom sljedeće tačke su:

1. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta energetska efikasnost za BiH; (Razmatraće se kao tačka 9.)
2. Prijedlog odluke o usvajanju Programa uređenja građevinskog zemljišta i realizacije kapitalnih investicija za 2016.godinu; (Razmatraće se kao tačka 10.)
3. Prijedlog odluke o davanju saglasnosti za osnivanje privatne srednje škole naziva: Srednja škola za informacione tehnologije i savremena gimnazija, Sarajevo, Zmaja od Bosne bb; (Razmatraće se kao tačka 11.)
4. Prijedlog odluke o davanju saglasnosti za osnivanje Visoke škole za računarske i informacione tehnologije; (Razmatraće se kao tačka 12.)
5. Prijedlog odluke o davanju imena trgu na području Općine Centar, na lokalitetu MZ „Trg oslobođenja-Centar”; (Razmatraće se kao tačka 13.)
6. Prijedlog odluke o davanju naziva novoizgrađenoj ulici, na lokalitetu „Skenderija-Podtekija” na području Općine Centar – MZ "Skenderija-Podtekija”; (Razmatraće se kao tačka 14.)
7. Prijedlog odluke o izmjeni naziva dijela ulice, odnosno preimenovanju dijela ulice na području Općine Vogošća - MZ „Vogošća I“ ; (Razmatraće se kao tačka 15.)
8. Izvještaj iz oblasti sporta za 2015. godinu; (Razmatraće se kao tačka 19.)
9. Izvještaj o radu sa finansijskim izvještajem JU „Studentski centar“ Sarajevo za 2014. i 2015. godinu.(razmatraće se kao tačka 20.)

U skladu sa odredbama člana. Da, izvinjavam se, nisam vas vidjela. Gospodin Kemal Ademović ima riječ. Izvolite uvaženi zastupniče Ademović.

Poslanik/zastupnik Kemal Ademović:

Hvala. Uvažena predsjedavajuća, zamjeniče predsjedavajuće, sekretaru, premijeru, članovi Vlade, kolegice i kolege zastupnici, predstavnici javnih institucija, udruženja ustanova, dragi gledaoci, sve vas selamim i srdačno pozdravljam. Ja sam za današnju sjednicu, a što je Kolegij uvrstio u dnevni red, predložio izmjene Zakona o imovini Kantona Sarajevo po skraćenom postupku. Međutim u procesu dobivanja mišljenja od nadležnih institucija Pravobranilaštvo a i Vlada Kantona Sarajevo je dala određenu primjedbu koju sam ja spreman da prihvatim i iz tog razloga ću predložiti sada da ovaj skraćeni postupak dakle Skupština eventualno izglasa kao i da se o Zakonu raspravlja po hitnom postupku da bih mogao prihvatiti ovu primjedbu. S tim u vezi pročitat ću sljedeće obrazloženje. Obrazloženje hitnog postupka za donošenje Zakona o dopuni Zakona o imovini Kantona Sarajevo. Predlažem da se Zakon o dopuni Zakona o imovini Kantona Sarajevo razmatra i donese u skladu sa odredbom člana 159. stav 2 Poslovnika Skupština Kantona Sarajevo službene novine Sarajevo broj 41/12, drugi novi prečišćeni tekst 15/13, 47/13, 47/15 po hitnom postupku. Umjesto po skraćenom postupku iz razloga što je riječ o pitanju da čijim uređivanjem postoji neodložna potreba te bi donošenje ovog zakona u redovno postupku moglo da izazove štetne posljedice za interese Kantona Sarajevo. Mišljenje Vlade Kantona Sarajevo broj 02-05-21955-1716 od 23.06.2016 godine dato u pripremi ovog zakona da se iza riječi „imovinskih prava“ dodaju riječi „odnosno pravni sljednik prava i obaveza“. Formulirano je na sugestiju od Pravobranilaštvo Kantona Sarajevo iskazan njihovo stručno mišljenje broj: M-83/2016 od 23.06.2016.godine. Ovakvu sugestiju Pravobranilaštvo Kantona Sarajevo je dalo kako bi omogućilo Kantonu Sarajevo da u sudskom postupku koji je u toku zaštititi imovinske interese Kantona Sarajevo kod utvrđivanja prava nasljedstva u korist Kantona iza pravnih lica koja su prestala da postoje a bili su nosioci veoma značajnih imovinskih prava i obaveza. Ovo ničim ne ometa Ministarstvo pravde Kantona da pripremi potpuno novi Zakon o imovini Kantona Sarajevo te da u redovnoj proceduri razmotri i primjeni sve procedure i modalitete aspekta u njegove izrade i to raspravi kroz konsultacije sa svim zainteresiranim subjektima. Takve procedure će zahtijevati vremena. A zbog potrebe hitne zaštite imovinskih interesa Kantona Sarajevo u sudskim postupcima koji su u toku a kojima te interese zastupa Pravobranilaštvo Kantona Sarajevo potrebno je danas donijeti ovaj Zakon i na taj način ojačati argumentaciju Pravobranilaštva u tim sudskim postupcima. Hvala.

Predsjedateljica:

Hvala lijepo uvaženi zastupniče Ademović. Ima li pitanja? A da.

U skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na **Prijedlog zakona o dopuni Zakona o imovini, po hitnom postupku.**

Ima li pitanja? Nema. Otvaram raspravu.

Zaključujem raspravu, te molim da pristupimo glasanju o ovom Prijedlogu **zakona o dopuni Zakona o imovini donese po hitnom postupku.**

Ko je za, suzdržan, protiv? Hvala.

ZA JE GLASALO 23 ZASTUPNIKA, SUZDRŽANO 1 I PROTIV

Konstatujem da je Skupština usvojila Prijedlog Zakona o dopuni Zakona o imovini Kantona Sarajevo po hitnom postupku.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 17. Radne sjednice, Dnevni red glasi:

1. Poslanička/zastupnička pitanja, inicijative i odgovori;
2. Prijedlog zakona o dopuni Zakona o imovini Kantona Sarajevko-hitni postupak;
3. Prijedlog odluke o izmjenama i dopunama Odluke o uređivanju javnog prijevoza lica zaprežnim vozilima – fijakerima;
4. Prijedlog odluke o dopuni Odluke o imenovanju članova Vijeća nacionalnih manjina Kantona Sarajevo;
5. Prijedlog odluke o davanju saglasnosti na Program rada i finansijski plan za 2016. godinu Javne ustanove:
 - a) Zavod za javno zdravstvo Kantona Sarajevo;
 - b) Zavod za zdravstvenu zaštitu žena i materinstva Kantona Sarajevo;
 - c) „Apoteke Sarajevo“;
 - d) Zavod za bolesti ovisnosti Kantona Sarajevo;
 - e) Zavod za medicinu rada Kantona Sarajevo;
 - f) Zavod za zdravstvenu zaštitu zaposlenika Ministarstva unutrašnjih poslova Kantona Sarajevo;
 - g) Zavod za hitnu medicinsku pomoć Kantona Sarajevo;
 - h) Zavod za zaštitu zdravlja studenata Univerziteta u Sarajevu;
 - i) Klinički centar Univerziteta u Sarajevu;
 - j) Opća bolnica "Prim.dr. Abdulah Nakaš";
 - k) Psihijatrijska bolnica Kantona Sarajevo;
 - l) Zavod za sportsku medicinu Kantona Sarajevo;
6. Prijedlog odluke o davanju saglasnosti na Program rada sa finansijskim planom:
 - a) Javne ustanove Centar za kulturu Kantona Sarajevo za 2016. godinu;
 - b) Javne ustanove Muzej Sarajeva za 2016. godinu;
7. Prijedlog odluke o davanju saglasnosti Muzičkoj akademiji Univerziteta u Sarajevu za prodaju odnosno zamjenu stambene jedinice u vlasništvu Muzičke akademije;
8. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća za transport i distribuciju gasa “Sarajevo-gas” d.o.o. Sarajevo sa Zakonom o javnim preduzećima u Federaciji Bosne i Hercegovine;
9. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta energetska efikasnost za BiH;
10. Prijedlog odluke o usvajanju Programa uređenja građevinskog zemljišta i realizacije kapitalnih investicija za 2016.godinu;
11. Prijedlog odluke o davanju saglasnosti za osnivanje privatne srednje škole naziva: Srednja škola za informacione tehnologije i savremena gimnazija, Sarajevo, Zmaja od Bosne bb;
12. Prijedlog odluke o davanju saglasnosti za osnivanje Visoke škole za računarske i informacione tehnologije;
13. Prijedlog odluke o davanju imena trgu na području Općine Centar, na lokalitetu MZ „Trg oslobođenja-Centar”;
14. Prijedlog odluke o davanju naziva novoizgrađenoj ulici, na lokalitetu „Skenderija-Podtekija” na području Općine Centar – MZ "Skenderija-Podtekija”;
15. Prijedlog odluke o izmjeni naziva dijela ulice, odnosno preimenovanju dijela ulice na području Općine Vogošća - MZ „Vogošća I“ ;
16. Izvještaji o radu i finansijskom poslovanju Javnih ustanova:
 - a) Sarajevska filharmonija za 2015. godinu;
 - b) Kamerni teatar ‘55 za 2015. godinu;
 - c) Muzej „Alija Izetbegović“ za 2015. godinu;

17. Izvještaj o radu Kantonalne uprave za inspeksijske poslove Kantona Sarajevo za 2015. godinu;
18. Izvještaj o radu sa finansijskim izvještajem Kantonalnog zavoda za pružanje besplatne pravne pomoći Kantona Sarajevo za 2015. godinu;
19. Izvještaj iz oblasti sporta za 2015. godinu;
20. Izvještaj o radu sa finansijskim izvještajem JU „Studentski centar“ Sarajevo za 2014. i 2015. godinu.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Tko je za? Tko je protiv? Suzdržan? Hvala lijepo.

ZA JE GLASALO 26 ZASTUPNIKA, PROTIV NIŠTA I SUZDRŽANO NIŠTA.

KONSTATUJEM DA JE SKUPŠTINA ZA 17. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Uz poziv za sjednicu kao informativni materijal dostavljeni su vam:

- Informacija o ostvarivanju prava na osnovu nezaposlenosti u u Kantonu Sarajevo za 2015 godinu.
- Zatim informacija o stanju kriminaliteta javnog reda i mira i sigurnosti saobraćaja na području Kantona Sarajevo za mjesec April 2016 godine.
- Zatim izvještaj o izvršenim inspeksijskim pregledima upravnog inspektora u toku 2015 godine.

Prije nego sto pređemo na realizacije prve tačke dnevnog reda imam obavezu u skladu s članom 191. Poslovnika da vas obavijestim da je Ustavni sud Federacije Bosne i Hercegovine odlučujući o zahtjevu tadašnjeg premijera Federacije Bosne i Hercegovine gospodina Nermina Nikšića za utvrđivanje ustavnosti Zakona o šumama Kantona Sarajevo donio presudu u kojem je utvrdio da je Zakon o šumama Kantona Sarajevo u skladu sa Ustavom Federacije Bosne i Hercegovine.

AD – 1.

POSLANIČKA / ZASTUPNIČKA PITANJA I INICIJATIVE

Sada prelazimo na realizaciju prve tačke Dnevnog reda sada je 10 i 40. I imamo sat vremena za naredne tačke, a to su pitanja i inicijative. Prva inicijativa i pitanje gospodin, uvaženi zastupnik Akšamija Goran izvolite :

Poslanik/zastupnik Goran Akšamija:

Zahvaljujem uvažena predsjedavajuća pozdravljam sve prisutne i gledaoce medija ja danas imam jedno zastupničko pitanje odnosno zastupnička pitanja uvežemo u jednu cjelinu iz kojih će slijediti jedna inicijativa, a upućeno je ministarstvu zdravstva i vlade Kantona Sarajevo to se sastoji u sljedećem. Da li ministarstvo zdravstva Kantona Sarajevo i Vlada Kantona Sarajevo ima jasan stav i politiku o zasititi javnog sektora u zdravstvu kao i jasnu viziju očuvanja javnog sektora u zdravstvu koja će nam garantovati da se javni sektor u zdravstvu izgrađen na uvicima građana i osiguranika neće degradirati u odnosu na privatni sektor ? Ako takva vrsta stava i politike postoji molim da mi se i ona predoči? U koliko ne postoji također molim da mi se pismenim putem definiše ne postojanje takvog stava odnosno politike. Ovo ne znaci bilo kakav

pritisak na postojeći pravni okvir koji izjednačava javni privatni sektor nego isključivo izraz zabrinutosti za stanje javnog sektora u zdravstvu čija degradacija može inicirati ozbiljnu ne jednakost u zdravlju. Nedostatak zajamčenih usluga iz davno usvojenog osnovnog paketa zdravstvenih prava značajno može siromašne građane ugroziti i diskriminirati u odnosu na one koji su u prilici zdravstvene usluge plaćati iz vlastitog džepa. Da li za Kanton Sarajevo postoji funkcionalna analiza primjene izuzetno ne povoljnih standarda i normativa zdravstvene zaštite i nomenklatura usluga u Federaciji Bosne i Hercegovine objavljena je u Plavoj knjizi 2014 godina Službene novine Federacije BiH broj 82/14. I da li ministarstvo zdravstva Kantona Sarajevo povodom ovog namjerava održati stručne rasprave i zagovarati sto hitnije izmjene ovog dokumenta koji nas vraća 20 godina u nazad? Da li u ministarstvu Kantona Sarajevo postoje analitički dokumenti koji su dostupni svim zainteresiranim stranama, a to su naravno profesionalci u zdravstvu, staleška udruženja, osiguranici, pacijenti, stručna i laička javnost koji cine dokumentacionu osnovu za najavljenju reformu zdravstva u Kantonu Sarajevo i ako postoje molim da mi se navedu i predoče. Da li postoji bilo koji analitički dokument koji bi mogao da nam da jasan uvid u stanje privatnog sektora u zdravstvu Kantonu Sarajevo? Kako i na koji način će se građani, pacijenti, osiguranici, profesionalci u zdravstvu moći informirati o zacrtanim ciljevima i njihovom izvršenju najavljenju reforme zdravstva u Kantonu Sarajevo, odnosno na koji način će ovaj proces biti uključen za sve zainteresirane strane? Da li proces reforme zdravstva u Kantonu Sarajevo inicira i nesporne izmjene pravnog okvira Zakona o zdravstvenoj zaštiti, Službene novine Federacije BiH broj 46/10 i nedopustivo zastarjelog i gotovo neprimjenjivog zakona o zdravstvenom osiguranju Federacije Bosne i Hercegovine, Službene novine Federacije BiH 30/97 sa svojim dopunama 2002, 2008 i 2011 godine će brojni provedbenih propisa koji su u potpunosti kompromitirali sistem zdravstvene zaštite u Kantonu Sarajevo i u Federaciji Bosne i Hercegovine. Da budem precizniji dali je u ovakvom pravnom okviru uopće moguće napraviti efikasne i efektivne reformske smjernice. Shodno ovom pokrećem inicijativu za hitno donošenje novog zakona o zdravstvenoj zaštiti kao i novog zakona obavezno zdravstvenom osiguranju kao jednim od osnovnih preduvjeta za ulazak u reformu zdravstvenog sistema hvala.

Predsjedateljica :

Hvala lijepo uvaženi zastupnice Akšamija, a sljedeći je uvaženi zastupnik Hamed Aljović izvolite

Poslanik/zastupnik Hamed Aljović :

Zahvaljujem predsjedavajuća . Danas imam jedno pitanje i jedno inicijativu . Moje prvo pitanje upućeno prema agenciji za državnu službu Federacije BiH . molim agenciju za državnu službu Federacije BiH da mi odgovori pod kojim kriterijima i na koji način se imenuje eksperti sa liste eksperata za učestvovanje kongresnim komisijama. Za izbor rukovodećih ostalih državnih službenika za nivo Kantona Sarajevo u periodu od 16. Januara 2015 godine do danas . Moja inicijativa upućena prema ministarstvu za boračka pitanja Kantona Sarajevo , pokrećem inicijativu da ministarstvo za ministarstvo za boračka pitanja Kantona Sarajevo izgradi šehidsku hajr česmu u naselju Zimne Žilici u Općina Trnovo u znak sjećanja na šehide iz proteklog odbrambeno oslobodilačkog rata zahvaljujem.

Predsjedateljica:

Hvala lijepo uvaženi zastupnice Aljović, sljedeća je uvažena zastupnica Avdibegović Neira izvolite .

Poslanik/zastupnik Avdibegović Neira :

Hvala uvažena predsjedavajuća pozdravljam sve prisutne u sali kao i gledatelje ispred malih ekrana. Ja za danas imam jednu zastupničku inicijativu i jedno zastupničko pitanje upućujem

inicijativu na zahtjev mještana naselja Svrake Donja Vogošća, Malesić Luka i Kadarići da na dionici auto ceste Vogošća –Ilijaš postave tako zvane bikarbone kako bi mještani bili pošteđeni buke sa auto ceste za koju tvrde da postaje sve izraženija. Posebno je problem izražen u ljetnim mjesecima kada se uprkos sa visokim temperaturama i vrućinama prozori na stambenim objektima zbog velike buke sa auto ceste doslovno moraju držati zatvoreni. Molim da se ova inicijativa proslijedi javnom preduzeća auto ceste Federaciji BiH učio je i nadležnosti ova problematika kako bi se u sto kraćem roku odgovorilo zahtjevom mještana navedenih naselja. Moje zastupničko pitanje je upućujem ministarstvu zdravstva Kantona Sarajevo vezano je za problem koji je evidentno i aktuelan upravo u ovom periodu po završetku školske godine radi se najme o situaciji sa kojom se susreću učenici sa stečenim obrazovanjem zdravstvenog usmjerenja. A to je pitanje kako i gdje obaviti pripravnički staž? U skladu sa Pravilnikom o pripravničkog stazu i stručnom ispitu zdravstvenih radnika zdravstveni radnici su obavezni nakon završenog obrazovanja obaviti pripravnički staž u trajanju od šest mjeseci. Upravo pripravnički staž je pred uslov za polaganje stručnog ispita primjera radi po programu stažiranja medicinska sestra, tehničar dio specijalnog pripravničkog staza od trajanju od tri mjeseca mora raditi u bolničkoj ustanovi. Na Kliničkom univerzitetu u Sarajevu od sredine Decembra prošle godine obustavljeno je stažiranje, a prema mojim saznanjima i Općoj bolnici Abdulah Nakaš još uvijek je na snazi odluka donesena prije 2 godine od strane tadašnjeg menadžmenta također o obustavi stažiranja. Ovim putem molim ministarstvo zdravstva da se očituje po navedenom problemu i jasno definiše ustvari na koji način ovi učenici mogu da obave pripravnički staž sto im je zakonska obaveza i ujedno preduslov polaganja stručnog ispita .Toliko hvala.

Predsjedateljica:

Hvala lijepo uvažena zastupnice Avdibegović sljedeći je uvaženi zastupnik Bjelak Nermin.

Poslanik/zastupnik Bjelak Nermin :

Hvala predsjedavajuća pozdravljam vas kao i sve prisutne u Sali i građane Kantona Sarajevo. Imam jednu poslaničko inicijativu upućena je ministarstvu privrede Kantona Sarajevo. Ovim putem želim da obratim po pitanju problema koji imaju ugostitelji, hotelijeri zbog ne registrovanih privrednih subjekata koji pružaju usluge smještaja u Kantonu Sarajevo. Turizam je trenutno najznačajnija privredna grana u Kantonu pa i samim ti neophodna da određene stvari dovede u red tako da i kanton i ugostitelj imaju koristi. Naime trenutno u Sarajevu ima preko 550 ne prijavljenih smještajnih kapaciteta privatnih kuća i stanova koji se reklamiraju kao apartmani na međunarodnim stranicama iznajmljivanja smještaja. Posto ove smještajne jedinice nisu registrovane nadležne inspekcije nemaju pravnu moć da urade bilo staž po ovom pitanju. Niti jedan inspektor ne može bez sudskog navoda ući u privatni posjed izvršiti kontrolu . Pored toga selim navesti da vlasnici ovih smještajnih kapaciteta neplaćanju ništa državi, boravišnu taksu, turističko osiguranje , PDV porezi i itd. Samo u Nepodopštini Stari Grad ima preko 250 smještajnih kapaciteta koji su prijavljeni na internet stranici za izdavanje smještaja, a nemaju potrebnu dokumentaciju susjedne države Hrvatska i Crna Gora su ovaj problem riješili tako da su nadležna ministarstva poslala zahtjev menadžmentu tih stranica da ih ponude ne prijavljenih subjekata zato tražim da ministarstvo privrede Kantona Sarajevo pošalje dopis prema tim stanicama i zahtjev da se pooštre mjere za registraciju privrednih subjekata i da se pošalje zahtjev istima da ponovo pošalju sudu dokumentaciju koji će dokazati postojanje ovih pravnih i materijalnih uslova za obavljane ove djelatnosti. Veći broj tih stranica i ne traže odgovarajuću papirologiju to jest dokumentaciju zato im je cilj da ostvare sto veću materijalni dobitak. A time ima negativan uticaj na privredu Kantona Sarajevo . Bitno je napomenuti još i skrenuti pažnju prema svim ovima stranicama da ubuduće sve nove privredne subjekte koje budu htjeli registrovati moraju na neki način obavijestiti ministarstvo privrede da bi se utvrdilo

da li taj privredni subjekat zadovoljava sve uslove za rad da ne bi u budućnosti opet imali isti problem. Hvala lijepo.

Predsjedateljica :

Hvala lijepo uvaženi zastupnice Bjelak, a sada se za riječ javlja uvaženi zastupnik Čelik Mirza .

Poslanik/zastupnik Čelik Mirza :

Zahvaljujem pozdravljam sve prisutne kao i gledaoce pored malih tv ekrana ja imaju jednu zastupničku inicijativu. I tražim od ministarstva kulture i sporta informaciju o stanju zakona o baštini Kantona Sarajevo obzirom da je navedeni zakon prošao kompletnu proceduru 2013 i da je 2014 završena javna rasprava potrebno je u vrsti istih zakon neku od navedenih sjednica a zakon je potreban iz razloga utvrđivanja zakonske regulative, historijske i kulturne baštine. Zahvaljujem.

Poslanik/zastupnik Sabina Ćudić:

Hvala. Pozdrav svima. Imam dva pitanja. Jedno u vidu pitanja iz kojeg proizilazi inicijativa, a drugo je pitanje. Dakle prvo je pitanje za ministarstvo saobraćaja, pa bih zamolila da mi danas usmeno ponude odgovor, ali i pismeno na osnovu inicijative koja proizilazi iz ovog pitanja a to je da mi tražim pojašnjenje parking privilegija koje uživaju kolege zastupnici u Skupštini Kantona Sarajevo, odnosno interesuje me da li im te privilegije omogućavaju dovođenje u pitanje, odnosno ugrožavanje života i zdravlja građana Kantona Sarajevo. Naime, prema žalbama stanovnika, građana iz ulice Nedima Filipovića u Novom Sarajevu i fotografijama koje su dostavili, koje nedvosmisleno dokazuju da je naš kolega Rasim Smajić brutalno prekršio pravila parkiranja, parkirajući ne samo na šinama, nego parkirajući na trotoaru i blokirajući izlaz iz parkinga ove zgrade, te na taj način ugrozio živote majki i djece koje su izlazile sa tog parkinga i već drugi put dešavaju se saobraćajne nesreće zbog zloupotrebe ove tzv. Privilegije, na šta na molbe gđinu Smajiću odgovorio je da ima apsolutno pravo i ukazujući na parking privilegiju kao zastupnika u Skupštini Kantona Sarajevo. Pa me interesuje i kao zastupnicu i kao članicu Komisije etičke da li je moguće pozvati na ukidanje ove privilegije našem kolegi i postavljam naravno inicijativu da se parking privilegija na osnovu pojašnjenja koje će nadam se danas doći, generalno ukine ta vrsta privilegije parkiranja bilo gdje, na bilo kojoj površini u Kantonu Sarajevo. To je što se tiče toga. Drugo je pitanja, i usmeno i pismeno bih željela odgovor od Ministarstva obrazovanja o statusu OŠ Saburina. Trenutno u toj OŠ upitno da li će osnovci dobiti svoja svjedočanstva s obzirom da je škola blokirana. Znamo da u svakom školskom odboru po važećem zakonu sjedi predstavnik ministarstva, odnosno predsjedava školskim odborima. U ovom slučaju se ministarstvo oglušilo na status ove škole a sjednica na kojoj je smijenjen direktor sa nje nema zapisnika i na taj način je ilegalna, zapravo ne možemo ući u trag dokumentaciji na osnovu čega je smijenjen direktor i u školskom odboru nema predstavnika lokalne zajednice, na šta lokalna zajednica ukazuje već jako dugo, na šta se ministarstvo kontinuirano oglušilo. Zato nas interesuje koji je status ove škole, ko je direktor ili direktorica ove škole, i koji je status djece ove škole. Također, nadovezujući na moje prvo pitanje, samo da dodam, postavila bih pitanje Ministarstvu saobraćaja zašto je Zakon o saobraćaju u mirovanju u ladici ovog Ministarstva od 2011 godine, već pet godina se dakle saobraćaj u mirovanju ne reguliše zakonom i da li će taj zakon regulisati i ove privilegije, potpuno nemoralne privilegije kolega zastupnika. Hvala.

Poslanik/zastupnik Selma Filipović:

Zahvaljujem predsjedavajuća. Koristim priliku da pozdravim sve prisutne kao i građane Kantona Sarajevo. Imam jedno poslaničko pitanje i to molim ministra za obrazovanje, nauku i mlade Kantona Sarajevo, prof.dr. Elvira Kazazovića da mi u što kraćem vremenskom roku u

pisanoj formi odgovori na sljedeće pitanje: Da li član UO UNSA može istovremeno biti i član još dvije skupštine društava u preduzećima u kojima je osnivač KS? Hvala lijepo.

Predsjedateljica:

Hvala lijepo zastupnice Filipović.
/neko govori bez mikrofona/

Predsjedateljica:

Halo. Prekinite snimanje. Prekidam sjednicu.

NASTAVAK NAKON PAUZE

Predsjedateljica:

Evo prije nego što nastavimo rad sa 17. Sjednice SKS moram da obrazložim zašto smo imali pauzu. U pauzi smo imali Kolegij. Kolegij je razmatrao incident koji se desio u toku sjednice i donio Odluku da se u skladu sa članom 92. Poslovnika Skupštine zastupnik Rasim Smajić udalji sa današnje sjednice Skupštine. Naime moramo poštivati Etičko vijeće, etički kod, i u skladu sa tim donijeli smo ovu odluku. Gospodine Smajiću vi želite riječ i dajem vam riječ od 2 minute. Izvolite.

Poslanik/zastupnik Rasim Smajić:

Zahvaljujem predsjedavajuća. Ja bih prije svega da se izvinem građanima, da se izvinem kolegama zastupnicima u Skupštini kao i svim prisutnim u ovoj Sali za moje impulsivno djelovanje prema kolegi Kojoviću. Naime o meni su iznešene gnusne laži koje su me dovele do ovako impulsivne reakcije. Ja se zaista izvinjavam i kolegi Kojoviću i kolegama u skupštini, i Vladi i ministrima i svima se znači kompletno izvinjavam za nastali incident. Nisam imao loše namjere prema kolegi Kojoviću, kolegu Kojovića jako poštujem. Povukao sam kolegu Kojovića za rever, međutim on je zapeo za stepenicu, pao je i to je to što je bilo. Ništa drugo. Znači toliko hvala. Ja sve u svemu nisam spreman nastaviti današnji rad, današnje sjednice zbog novonastale situacije zbog mog stanja u kojem se nalazim trenutno. Toliko hvala.

Predsjedateljica:

Dobro. Hvala lijepo na vašoj izjavi. Kao što sam rekla, po Poslovniku vi ste udaljeni sa sjednice i pogriješili ste prezime: Kojović. Hvala lijepo. Nastavljamo sa današnjim radom 17. Sjednice SKS. Još uvijek smo na prvoj tački dnevnog reda. Došli smo do zastupničkih pitanja. Uvažena zastupnica Kerla. Izvolite.

Poslanik/zastupnik Bibija Kerla:

Pozdravljam sve prisutne u Sali, pozdravljam gledaoce TVSA. Ja za današnju skupštinu imam dva pitanja. Prvo pitanje se odnosi na ministarstvo sporta i kulture. Želim da znam dokle se došlo sa sanacijom skakaonica na Malom Polju. Koliko je meni poznato, već je pokrenuta inicijativa Opštine Hadžići i izdvojena su određena sredstva, ali taj iznos nije dovoljan ni za plan, ni za program investicija a kamo li za obnovu uništenih skakaonica. Ja sam već u kontaktu sa inicijatorom ove obnove, gdnom novinarom, Nerminom Biseom i imamo određene ljude iz Austrije, Njemačke i Švicarske. Janez Zgodišnjik Slovenac koji je idejni tvorac skakaonica na Igmanu je pristao da bude pomoćnik u realizaciji ove ideje i kod njega se nalazi kompletna dokumentacija što se tiče obnove skakaonica i molim sve one koji mogu da pomognu kod rebalansa budžeta da se izdvoji određeni dio sredstava a mi ćemo početi ganjati sponzore što se tiče ove obnove skakaonica. Moje drugo pitanje se odnosi u vezi pružnih prelazak na dionici Ilijaš Sarajevo. Molim nadležne u Kantonu da upute dopis Željeznicama FBiH da podhitno obezbjedite pružne prelaze na relaciji Lješevu Sarajevo. Unazad nekoliko

godina poginulo je pet ljudi i povrijeđen je veći broj samo iz razloga što na određenim mjestima nema ni signalizacije ni rampe. Glavni prelaz u Ilijaša je jedno takvo mjesto i ono je odnijelo do sada dva ljudska života. Molim odgovorne da ovo shvate kao jedan prioritetni zadatak i da to riješe u što je mogućem kraćem roku. Hvala lijepa.

Poslanik/zastupnik Zvonko Marić:

Hvala još jednom predsjedavajuća. Dakle pozdrav svim prisutnim u ovom domu ali i gledateljima koji u svom domu prate ovu sjednicu. Na žalost evo da preskočimo ovaj dio koji je nemili događaj. Iako sam mislio da postavim nekoliko pitanja, naravno u skladu sa Poslovníkom imam pravo na dva, pokušat ću da na neki način smekšam retoriku iako ovo zasluđuje svojevršne osude, sve što ću pitati, a odnosi se na ministra privrede gđina Šabića. Uvađuavajući sve okolnosti ja sam ukazivao na organizirani kriminal u Šumama, trađuio sam odgovore i još uvijek ih nisam dobio, njegova služba ili on zakazali su očigledno i molio bih da u buduće poštuje poslovnik i da nam na vrijeme dostavljaju odgovore na postavljanja pitanja jer inače uslođužnjava se situacija oko svega. Novi dokazi, događuđaji itd. Reći ću samo sljedeće: ovaj organizirani kriminal, da ne kađužem brutalni se deđušava dugi niz godina,. Evo ovdje preda mnom je dokumentacija, Odluka suda nadleđužnog o ljudima koji su svojedobno primljeni bez diploma. Te diplome izgledaju ovako, kao što imamo ovdje, dakle nema ocjena za ta svjedočanstva, čak ni opisnih. A u konačnici vrlo dobar je četiri a položili su za referenta šumara, navodno i uspjeli duplikat diplome da ovjere u općinama, evo to je tako prazan list. Vrlo dobar četiri, itd. I takvih ljudi ima i pokrenute su krivične prijave protiv njih. Ima ih u ovom samo jednom sudskom rješenju, odnosno presudi šest. I naravno sud je nalođužio da se poništi prijem tih ljudi bez diploma, čak ima i zavarivača, koji bi trebali da čuvaju šumsko bogatstvo, a onda se desi situacija da gđin ministar Šabić te iste ljude u ponovljenom postupku odobri evo i njegovim postupkom,. Dakle sve te iste ljude sa sudskog rješenja ponovo budu primljeni. Ja nema drugu riječ, osim činjenice, s obzirom da je uvezano i da ovo dugo traje, ovaj organizirani kriminal u Šumarstvu koji zaista u sunovrat vodi i ovu granu, ovu oblast ali bih molio da mi odgovori ministar Šabić jer neću da vjerujem, ja njega poznajem dugo da svojevolljno i nesvjesno možda potpisuje ovakve stvari i samim tim je žirant ovakvih nedozvoljenih radnji ili pokrovitelj u neku reku ili čovjek koji odobrava ovakve stvari. Da ne izlazim ja sada, imao sam za obrazovanje i zdravstvo, ali ću nastaviti s obzirom da je ZOI u pitanju i nekako srodno ovome, privredi oko hotela Famos sam postavio pitanje i nisam dobio odgovor kako je moguće da osoba koja rukovodi hotelom Famos, istovremeno ima menadžerski ugovor i radi u marketingu ZOI? Te radnje koje se deđušavaju bojim se da su samo uvertira za ono što će odvesti ovaj hotel u sunovrat kao i mnogo toga. Jer primijetili ste uglavnom govorimo o propalim sistemima koji se sistemski uništavaju. Ne bih volio da se ovakve stvari deđušavaju. Ako se ne zaustavi ovaj trend bojim se da na neki način saučestvujemo u svemu šta se deđušava i mirno posmatramo ovakve stvari. Hvala vam lijepo.

Poslanik/zastupnik Edin Forto:

Ja imam dva pitanja za ministricu zdravstva. Jedno pitanje se odnosi na Zavod za medicinu rada. Ovo pitanje možemo staviti u sličan onaj kontekst o onom jednom govoru koji sam ovdje jednom održao vezano za odnos naše vlasti prema našoj firmi Apoteke Sarajevo. Zavod za medicinu rada, kao što znamo jer danas imamo to i na dnevnom redu, je ustvari jedna javna ustanova, kantonalna ustanova, međutim postoje i privatne ustanove koje se bave istim poslom, u neku ruku su konkurencija našoj firmi. Moje pitanje za ministricu je sljedeće: Da li će nadolazeća reforma zdravstva, koju još nismo vidjeli napismeno, ali nadamo se da uskoro hoćemo, da li će ta reforma regulisati pitanje doktora specijalista medicine rada koji sada rade u privatnim firmama iz penzije? I na taj način prave neloyalnu konkurenciju našoj firmi Zavod za medicinu rada, gdje mora naravno neko biti u struci specijalista medicine rada. Mislim da je ovo vrlo bitno jer to pokazuje i naš odnos prema našim firmama a i vezano na ono što je gđin

Akšamija pitao ranije naš odnos prema našim javnim zdravstvenim ustanovama, i onim što imamo u pravnom sektoru. Drugo pitanje je vezano za KCUS. Također za ministricu. Molim vas možete li nam pismeno dostaviti koji je status jedinice internističke intenzivne njege? Mi imamo, razne informacije su došle do nas, od toga da je ovaj odjel zatvoren do toga da su doktori koji tamo rade došli jedan dan i samo našli zaključana vrata. Pa mene samo zanima pošto u ovom izvještaju koji i danas za KC raspravljati u planu, stoji da ova jedinica postoji i da se planiraju specijalisti za ovu jedinicu a mi po našim informacijama znamo da to više nije tako. Ono što bih volio da nam ministrica odgovori koji je status ovog odjela, koji je status obučenog osoblja za ovaj odjel? Koji je status smještajnih kapaciteta ovog odjela? Bilo bi dobro da dobijemo to napismeno pa da razjasnimo da ne bi više govorili o nečemu što smo čuli, nego baš da vidim od ministrice koji je status. A samo bih napomenuo: ova je jedinica na KC jedna od najprestižniji sa najskupljom obukom za osoblje iz donacija Francuske vlade. Hvala vam.

Poslanik/zastupnik Mersiha Mehmedagić:

Zahvaljujem uvažena predsjedavajuća. Pozdravljam sve prisutne kao i građane Kantona Sarajevo koji prate današnje zasjedanje. Napominjem da još uvijek nisam dobila konkretan odgovor na pitanje postavljeno na 13 i dopunjeno na 14. Sjednici vezano za zapošljavanje djece pripadnika boračkih kategorija koja po članu 23 Zakona o dopunskim pravima boraca imaju prednost pri zapošljavanju. Posebno nezadovoljstvo izražavam zbog činjenice da resorno Ministarstvo ne raspolaže podacima o broju nezaposlene djece šehida, poginulih boraca i RVI, kao djece najranjivije boračke kategorije. Ako imamo oko 160 raznih boračkih udruženja, devet općinskih službi BIZ i Ministarstvo za boračka pitanja nezamislivo mi je da iste ne zanima ovaj podatak ili da ga nisu uspjeli pribaviti. Stoga po treći put tražim odgovor na navedeno zastupničko pitanje sa informacijom o implementacijom programa pozajmica za otvaranja radnih mjesta za pomenute kategorije, po javnom pozivu za 2014 i 2015 godinu. I također pokrećem zastupničku inicijativu prema Vladi i resornom Ministarstvu gdje tražim od Vlade Kantona Sarajevo da poduzme sve potrebne aktivnosti kako bi u što kraćem roku imali sveobuhvatnu evidenciju lica tretiranih Zakonom o pravima branilaca i članova njihovih porodica i Zakonom o dopunskim pravima boraca branitelja BIH a koja se nalazi na evidenciji nezaposlenih Službe za zapošljavanje Kantona Sarajevo. Kako Vlada utvrđuje načine i uvjete za odobravanje pozajmica za otvaranje radnih mjesta iz člana 24 Zakona o pravima boraca branitelja BIH molim da se u javnom pozivu za 2016 godinu iznađe način da se sredstva prioritarno usmjere na zapošljavanje nezaposlene djece navedenih kategorija po uzoru na program mjera zapošljavanja za 2016 godinu koji je ciljao određene kategorije kroz zasebne programe zapošljavanja što je izrazit napredak. Sljedeće obrazloženje: s obzirom na ugroženost ove kategorije mladih ljudi koji i pored činjenice da su djeca najzaslužnijih teško mogu ostvariti zakonsku prednost u zapošljavanju, potreban je odgovorniji pristup i hitna reakcija. Dok ovaj problem sistemski ne riješe, Vlada i resorno Ministarstvo trebaju iznaći način da se i ova populacija pozicionira kao ciljane kroz program mjera zapošljavanja. Kako je program mjera za tekuću godinu već u realizaciji do naredne godine konačnih podataka ove kategorije nezaposlenih mogu se iskoristiti sredstva planirana u budžetu za otvaranje pozajmica za otvaranje radnih mjesta za boračku populaciju koja za 2016 godinu iznose 500.000 KM.

Poslanik/zastupnik Semir Halilović:

Pozdrav svima. Ja imam dvije inicijative. Jedna je za Vladu Kantona Sarajevo. Dakle iniciram kod vlade Kantona Sarajevo da donese neophodne odluke i pokrene procedure kako bi se u buduće isplate iz Budžeta Kantona Sarajevo kao što su porodiljski dodaci, davanja socijalnim kategoriji i isplata svih vrsta za socijalno ugrožene kategorije dala prednost u odnosu na isplate plata za Vladu Kantona Sarajevo, Skupštinu Kantona Sarajevo i direktore JP. Naime, neskladno je i nepravedno da se iz budžeta Kantona Sarajevo već godinama prvo isplaćuju plate onima

čije su plate najveće u Kantona Sarajevo a posljednjima onima čija su primanja najmanja. Stoga molim Vladu Kantona Sarajevo da pokrene određenu proceduru i izjasni se o ovoj inicijativi. To je jedna inicijativa.

Druga inicijativa, ovim putem također iniciram kod vlade Kantona Sarajevo, Ministarstva finansija i Ministarstva za boračka pitanja da preduzmu neophodne korake kako bi pronašli rješenje bilo da su izdvajanja iz budžeta, preusmjerenja, podizanje kredita i slično za izgradnju preostalih oko 300 stambenih jedinica za pripadnike boračkih populacija kojima je Kanton Sarajevo obećao rješavanje i dužan im je rješavanje stambenog pitanja. S obzirom da protekla već 21 godina od okončanja agresije na BIH a pripadnici boračke populacije nalaze se u teškom i materijalom i zdravstvenom stanju, te mnogi od njih nisu dočekali i neće dočekati ispunjenje ovog obećanja, iniciram kod vlade Kantona Sarajevo i nadležna dva Ministarstva da pokrenu ovu proceduru i iznađu rješenje kako bi se do kraja ovog mandatnog perioda iznašao način da se kroz kreditiranje ili neki drugi način riješe ova stambena pitanja. Također pozivam Vladu Kantona Sarajevo da preispita koliko posjeduje stanova u svom vlasništvu, koja druga Ministarstva, kao npr. sad socijalne politike ne koriste te u koliko je moguće izvrše određenu preraspodjelu, hvala lijepo.

Predsjedateljica:

Evo na kraju imam i ja jedno pitanje za MUP. A to je da mi se da davanje autentičnog tumačenja Zakona o policijskim službenicima Kantona Sarajevo pošto je pitanje dosta dugo, ja ga neću čitati nego ću u pismenoj formi predati i tražit ću pismeni odgovor od istog Ministarstva. Hvala lijepo.

Tim smo iscrpili prvu tačku dnevnog reda i prelazimo na drugu tačku dnevnog reda.

AD -2.

PRIJEDLOG ZAKONA O DOPUNI ZAKONA O IMOVINI Kantona Sarajevo PO HITNOM POSTUKU

Prijedlog zakona ste dobili uz poziv za sjednicu. Molim predstavnika predlagača da podnese uvodne napomene. Izvolite uvaženi zastupniče Kemal Ademoviću.

Poslanik/zastupnik Kemal Ademović:

Hvala vam. Dakle vi ste pred sobom dobili Prijedlog o dopuni Zakona o imovini Kantona Sarajevo. Ja ću samo pročitati taj stav 2 kojim bi trebalo da se dopuni ovaj Zakon. On glasi: „kanton je vlasnik imovine, imovinskih prava, odnosno pravni sljednik prava i obaveza udruženja i organizacija sa sjedištem u Sarajevu koje su prestajale postojati po sili zakona ili po odluci nadležnog suda ili drugog nadležnog organa a obavljali su djelatnosti u oblastima koje u isključivoj ili pretpostavljenoj nadležnosti Kantona (obrazovanje, kultura, sport, rekreacija itd.).

I član 2

Ovaj Zakon stupa na snagu osmog dana od objavljivanja u Službenim novinama.

Pravni osnov za donošenje ovog zakona sadržan je u odredbama člana 18 stav 1 tačka b) i član 39 Ustava Kantona Sarajevo Službene novine Kantona Sarajevo broj 1/96, 2/96 ispravka, 3/96 ispravka, 16/97, 14/00, 4/01, 28/04 i 6/13).

Izvod iz člana 18 Ustava Kantona glasi:

„Nadležnosti Skupštine

Skupština donosi zakone i druge propise u okviru izučavanja nadležnosti Kantona, izuzev propisa koji su ovim Ustavom i zakonom date u nadležnosti Vlade Kantona Sarajevo.

Član 39 glasi:

„Kanton može imati pokretnu, nepokretnu imovinu. Imovinom kantona smatraju se stvari, prava i novčana sredstva koja su stečena kupovinom ili na drugi način sukladno zakonima BiH i FBiH.

Razlozi za donošenje sam rekao u obrazloženju za hitnost i mislim da ih nije sada potrebno da ih posebno pojašnjavam. Ako bude potrebe odgovorit ću na pitanja i pokušat ću u diskusiju ukoliko bude pitanja da se uključim.

Predsjedateljica:

Hvala lijepo uvaženi zastupniče Ademović. Da li predstavnici radnih tijela žele riječ? Ne. Ima li pitanja? Nema pitanja. Otvaram raspravu. Izvolite gdine Šućur.

Poslanik/zastupnik Slaviša Šućur:

Zahvaljujem predsjedavajuća i pozdravljam sve prisutne. Evo prije svega želim da kažem da ja podržavam namjeru predlagачa. Ja sam i u razgovoru sa premijerom prije početka nastavka ove sjednice saznao šta je u stvari pozadina i mislim da je to nešto što bi trebalo riješiti ono što je moj problem je način na koji ovo rješavamo. A to ću sada i obrazložiti. Činjenica je da mi već imamo presudu Ustavnog suda kojom je rečeno da Kanton Sarajevo ne može zakonima koje sam donosi stjecati vlasništvo nad imovinom. Također je činjenica da imamo jedan krupan problem koji se nama provlači stalno i koji moramo rješavati hitno. Ja sam već par puta upozoravao i tražio da se Vlada pozabavi ovim pitanjem a to je pitanje titulara nad državnom imovinom. Mi smo pretvorbom društvene u državnu imovinu a pri tom ne definisavši koji nivo vlasti je vlasnik kog dijela imovine, stvorili jedno vrlo čudno stanje koje se nama provlači. Stalno imamo nekonzistentna rješenja- ja se bojim da je ovo jedno nekonzistentno rješenje i pogotovo što već imamo presudu Ustavnog suda možda nije način da se riješi ovaj problem koji trenutno ima. Druga stvar, evo ja moram da upozorim u obrazloženju gđin Ademović je vrlo dobro naveo odredbe Ustava BiH, odredbe Ustava FBiH, međutim, ima jedan mali problem. Ustav FBiH je donešen prije Ustava BiH. Kada je donešen Ustav BiH sve državne nadležnosti koje ne pripadaju BiH date su entitetima a sve odredbe entitetskih ustava koje su u suprotnosti sa ovom odredbom prestaju da važe. Moje tumačenje ja ću tražiti da se ovo razjasni, kako u FBiH, tako i ovdje da sve odredbe koje se tiču nadležnosti kantona u Federalnom ustavu su na takav način već tada bile osporene, ali evo da ne ulazim u nešto što ja smatram da je opet dio većeg problema koji niko do sada nije riješio. Mislim da je možda trebalo radije da se pozabavimo time da kroz pitanje nasljeđivanja osnivačkih prava, kroz neki drugi mehanizma ili kroz trajno rješenje na kom radi Ministarstvo pravde riješimo ovo pitanje, ali kažem, kada je Ustavni sud već jednom presudio da kanton ne može sebi zakonom dodjeljivati imovinu da mi ne bi smo trebali da ulazimo u ovaj proces. Hvala.

Poslanik/zastupnik Bibija Kerla:

Ja molim Skupštinu prije usvajanja ovog zakona da donese jedan zaključak s obzirom da se ovim zakonom pogađaju i sportske organizacije koje su vlasnici do sada bili i koje bi vjerovatno izgubile to vlasničko pravo, ja tražim od Skupštine da donese sljedeći Zaključak:

Skupština Kantona Sarajevo se obavezuje da će usvajanjem Zakona o imovini Kantona Sarajevo vraćene objekte od pojedinih subjekata u svoje vlasništvo staviti na raspolaganje sportskim udruženjima.

Ovim prije svega mislim na onu imovinu koja je do sada bila vlasništvo sportskih organizacija. I molim Skupštinu da se izjasni u vezi ovog mog zaključka.

Predsjedateljica:

Hvala lijepo. Ja mislim da trebate taj prijedlog pismeno dostaviti svim zastupnicima pa onda možemo da se o tome posebno izjašnjavamo.

Ukoliko se više niko ne javlja za raspravu zaključujem raspravu i predlažem da pristupimo izjašnjavanju o Prijedlogu zakona o dopuni Zakona o imovini Kantona Sarajevo.

Tko je za? Tko je protiv? Tko je suzdržan?

ZA je glasalo 23 zastupnika, protiv ništa i suzdržano 4.

KONSTATUJEM DA JE SKUPŠTINA DONIJELA OVAJ ZAKON.

A o zaključku ćemo se poslije. Hoćete li odmah da glasamo. Imate li to da pročitamo, zbog stenograma moramo to imati. Jasmina imate li to?

Dakle, Zaključak:

„Skupština Kantona Sarajevo se obavezuje da će usvajanjem Zakona o imovini Kantona Sarajevo vraćene objekte od pojedinih subjekata u svoje vlasništvo staviti na raspolaganje sportskim udruženjima.

Ovim prije svega mislim da ovu imovinu koja je do sada bila vlasništvo sportskih organizacija. Ovo je sve u pisanoj formi pa je malo i nejasno, tako da imate. Mi bi ga trebali formulirati, hoćemo li ovako glasati ili? Malo je ovo nejasno, zbog realizacije nam je malo nejasno. Pa evo objasnili ste u raspravi.

Hajmo tko je za?

Poslovnička intervencija. Izvolite gdine Čomor.

Poslanik/zastupnik Eldar Čomor:

Hvala predsjedavajuća. Čini mi se da postoji raspoloženje da se zaključak usvoji. Ali je nejasan zaključak pa bih zamolio kolegicu da formuliše ovaj zaključak i da se u nastavku sjednice izjasnimo o njemu a ovako čini mi se da nećemo moći ovako usvojiti u ovom obliku.

Predsjedateljica:

U redu. Onda ćemo o ovome naknadno da se izjasnimo.

Poslanik/zastupnik Bibija Kerla:

Znači ja ću dostaviti pismeno zaključak i poslije pauze idemo na glasanje.

Predsjedateljica:

Hvala lijepo. Prelazimo sada na treću tačku dnevnog reda.

AD – 3.

PRIJEDLOG ODULE O IZMJENAMA I DOPUNAMA ODLUKE O UTRVĐIVANJU JAVNOG PRIJEVOZA LICA SA ZAPREŽNIM VOZILIMA, FIJAKERIMA

Prijedlog odluke ste dobili uz poziv za sjednicu. Molim predstavnika predlagača da podnese uvodne napomene. Izvolite uvaženi ministre Fišo.

Ministar Mujo Fišo: UVODNO IZLAGANJE

Predsjedateljica:

Hvala lijepo uvaženi ministre Fišo. Da li predstavnici radnih tijela žele riječ? Ne. Ima li pitanja? Izvolite uvaženi zastupniče Halilović.

Poslanik/zastupnik Semir Halilović:

Hvala lijepo. Jedno pitanje. Način sankcija ukoliko se ovo što je predloženo u dopuni ne bude poštovalo. Samo me zanima neka ministar kaže način sankcija i ko provodi te sankcije jer ja

često dole boravim i tvrdim da se ništa od onoga što piše u zakonu o fijakerskom saobraćaju ne poštuje. Dole je Aleja koja bi trebale da služi ljudima pretvorena u aleju za konje i mjesto za ljude je pretvoreno u mjesto za konje. Prema tome samo da vidimo šta ko ovdje radi. Hvala lijepo.

Predsjedateljica:

Hvala lijepo uvaženi zastupniče Halilović. Nema više pitanja jel? Otvaram raspravu. Zatvaram raspravu. Ne morate čekati da to kažem. Trenutak jedan. Pošto se niko više nije javio za raspravu molim zastupnike da pristupe izjašnjanju o **PRIJEDLOGU ODLUKE O IZMJENAMA I DOPUNAMA ODLUKE O UREĐIVANJU JAVNOG PRIJEVOZA LICA SA ZAPREŽNIM VOZILIMA, FIJAKERIMA**
Nisam vas vidjela ministre Fišo. Izvolite dajte odgovor.

Ministar Mujo Fišo:

Zahvaljujem. Član 15 Odluke koja je na snazi definiše nadzor a član 16 definiše kaznene odredbe. Tako da je to definisano. Provodi Inspekcija, tako da ne vidim ništa sporno. Odluka koja je trenutno na snazi samo što dajemo izmjene kako bi ovo prospješili.

Predsjedateljica:

Hvala lijepo. Sada prelazimo na izjašnjanje o **PRIJEDLOGU ODLUKE O IZMJENAMA I DOPUNAMA ODLUKE O UREĐIVANJU JAVNOG PRIJEVOZA LICA ZAPREŽNIM VOZILIMA – FIJAKERIMA.**

Tko je za? Tko je protiv? Suzdržan?

Za je glasalo 22, protiv ništa, suzdržano ništa.

KONSTATUJEM DA JE SKUPŠTINA DONIJELA OVU ODLUKU.

Prelazimo na četvrtu tačku dnevnog reda, a to je:

AD – 4.

PRIJEDLOG ODLUKE O DOPUNU ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO

Prijedlog odluke ste dobili uz poziv za sjednicu. Molim predstavnika predlagača, ima li potrebe? Nema potrebe. Predstavnicu radnih tijela da li žele riječ? Ne. Hvala lijepo. Ima li pitanja? Nema pitanja. Otvaram raspravu. Zaključujem raspravu.

MOLIM DA PRISTUPIMO IZJAŠNJAVANJU O PRIJEDLOGU ODLUKE O DOPUNI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO.

Tko je za? Tko je protiv? Suzdržan?

Za je glasalo 23 zastupnika, protiv ništa, suzdržano ništa.

KONSTATUJEM DA JE SKUPŠTINA DONIJELA OVU ODLUKU.

Prelazimo na petu tačku dnevnog reda, a to je:

AD -5.

PRIJEDLOG ODLUKE O DAVANJU SUGLASNOSTI NA PROGRAM RADA I FINANSIJSKI PLAN ZA 2016 GODINU JAVNE USTANOVE:

- a) Zavod za javno zdravstvo Kantona Sarajevo;
- b) Zavod za zdravstvenu zaštitu žena i materinstva Kantona Sarajevo;
- c) „Apoteke Sarajevo“;
- d) Zavod za bolesti ovisnosti Kantona Sarajevo;
- e) Zavod za medicinu rada Kantona Sarajevo;
- f) Zavod za zdravstvenu zaštitu zaposlenika Ministarstva unutrašnjih poslova Kantona Sarajevo;
- g) Zavod za hitnu medicinsku pomoć Kantona Sarajevo;
- h) Zavod za zaštitu zdravlja studenata Univerziteta u Sarajevu;
- i) Klinički centar Univerziteta u Sarajevu;
- j) Opća bolnica "Prim.dr. Abdulah Nakaš";
- k) Psihijatrijska bolnica Kantona Sarajevo;
- l) Zavod za sportsku medicinu Kantona Sarajevo

Predlažem da o prijedlozima odluka obavimo jedinstvenu raspravu a izjašnjavanje pojedinačno. Molim da pristupimo glasanju o ovom prijedlogu. Tko je za? Tko je protiv? Suzdržan? Hvala lijepo. Za je glasalo 22 zastupnika, protiv ništa, suzdržano ništa. *Konstatujem da je Skupština usvojila ovaj prijedlog.*

Prijedlog ste dobili uz vaš poziv za sjednicu. Da li predstavnici radnih tijela žele riječ? Ima li potrebe ministricice? Nema. Ima potrebe. Hajte izvolite ministricice Ademaj.

Ministrica Zilha Ademaj: UVODNO IZLAGANJE

Predsjedateljica:

Hvala uvažena ministricice Ademaj. Da li predstavnici radnih tijela žele riječ? Ima li pitanja? Je li pitanje gdine Haliloviću. Za raspravu je.

Poslanik/zastupnik Semir Halilović:

Hvala lijepo. Samo pitanje za ministricu Ademaj. Iz koji sredstava se misli riješiti zapošljavanje na Psihijatrijskoj klinici i finansiranje nastavka izgradnje centralnog bloka na KCUS? Hvala lijepo.

Poslanik/zastupnik Sabina Ćudić:

Samo bih ministricu pitala za pojašnjenje. Ako sam dobro razumjela, predviđa se povećan broj pacijenata u Opštoj bolnici a smanjuju se njihovi prihodi u odnosu na 2015 a broj zaposlenih ostaje isti kao broj zaposlenih 2015. Da li to znači da je nešto bilo problem sa menadžmentom u 2015 godini, da su sredstva neprimjereno trošena pa se sada smatra da se i veći broj pacijenata može primiti sa manje novca? Ako to nije odgovor onda šta je pojašnjenje. Hvala.

Predsjedateljica:

Da li ministrica želi odmah odgovoriti? Izvolite.

Ministrica Zilha Ademaj:

Hvala lijepo predsjedavajuća. Evo odgovor gđinu Haliloviću vezano za zapošljavanje na Psihijatrijskoj bolnici. Pa većina je ustanova predviđjela u ovoj godini da zaposli veći broj ljudi zbog toga što je u 2015 godini bio moratorij, i još uvijek je na snazi i mnoge klinike su ostale bez potrebnog specijalističkog kadra. Zapošljavanje će isključivo finansirati vlastitim

sredstvima. Nema dodatnih sredstava za bilo kakvo novo zapošljavanje. Što se tiče pitanja poslanice Ćudić za Opću bolnicu. Za Opću bolnicu je stvarno predviđeno povećanje broja pacijenata i broja usluga i veća iskorištenost kapaciteta sa sredstvima koja su u finansijskom planu manja nego što su bila u prošloj godini. Ne znam šta ste htjeli sa tim pitanjem, da li menadžment bolnice, nisam vas baš najbolje razumjela. Da li to znači da sadašnji ili prošli menadžment nije.

Poslanik/zastupnik Sabina Ćudić.

Hoćete li da pojasnim? Ako se predviđa povećan broj pacijenata sa smanjenim sredstvima u odnosu na 2015 i istim brojem uposlenih u odnosu na 2015 interesuje me da li to znači da 2015 sredstva nisu adekvatno trošena ako mislimo da za manje novca možemo učiniti daleko više.

Ministrica Zilha Ademaj:

Ovaj, broj uposlenih u odnosu na 2015 nije isti. Trenutno imaju manji broj uposlenih nego što im je priznato na teret sredstava obaveznog zdravstvenog osiguranja. I taj broj će se vjerovatno popuniti u toku 2016 godine a to ne znači da su loše poslovali odnosno upravljali sa sredstvima u prošloj godini. Ovo je generalno pravilo za sve zdravstvene ustanove da se u 2016 poduzmu mjere štednje u svim ustanovama da se radi na povećanju obima rada za ista sredstva ili bolje rečeno da se poveća produktivnost u svim zdravstvenim ustanovama. Ja sam o tome nekoliko puta govorila da mi imamo nedovoljnu iskorištenost kapaciteta, da mi imamo viška određenih kapaciteta, i da mi moramo naravno to kroz ove programe rada neće biti vidljivo ali da mi moramo naše kapacitete racionalno koristiti i to ćete sigurno vidjeti u dokumentu čija je izrada u toku i koji će vrlo brzo biti predmet rasprave i biti upućen na Skupštinu kantona koji se zove Plan reorganizacije djelatnosti zdravstvenih ustanova. Uz taj plan idu i mjere za poboljšanje zdravstvenog stanja stanovništva u Kantona Sarajevo. Nakon toga ide Program zdravstvene zaštite za sve ustanove u skladu sa standardima i normativima. To su dokumenti koji su sastavni dio ove naše najavljenije reforme. I evo kada sam već tu, pošto je dr Akšamija uglavnom svoja pitanja bazirao na reformi ja mogu evo ukratko samo kazati da vi ste čini mi se postavili pitanje kako zaštititi javni sektor od privatnog sektora, kako ga ojačati, šta nudi ova reforma, šta će biti sa standardima i normativima i nomenklaturom iz plave knjige iz 2014 godine, da li je uopće moguće provesti reforme sa ova dva zakona, Zakon o zdravstvenoj zaštiti i zdravstvenom osiguranju. Imamo li mi dobre analize i u javnom i u privatnom sektoru? Da li nas privatni sektor ugrožava i kakav je stav Ministarstva po tom pitanju i šta će se u tom smislu predložiti u okviru te reforme. Evo ja ću vam ukratko reći da mi analize radimo, već ih imamo, imamo analize u javnom sektoru. Na žalost u privatnom nemamo, nismo ih nikada imali, kompletnu analizu rada privatnog sektora, ali one podatke o kojima raspolažemo ja vam mogu reći da u privatnom sektoru će također trebati određena stanja srediti i pospremiti. To je također najavljeno kroz ovu reformu,. Neće javni sektor biti ugrožen od privatnog sektora, ja vas u to uvjeravam, samo će se zvesti red i u jednom i u drugom sektoru. Javni sektor ne može držati kako bih rekla monopol po svaku cijenu. Stanje se mora srediti i javnom i u privatnom sektoru. I jedni i drugi treba da pružaju kvalitetnu zdravstvenu zaštitu građanima, da svakome uz zdravstvenu knjižicu ta zdravstvena zaštita bude dostupna. Svi moraju ispunjavati zakonom propisane uvjete da bi se bavili određenom djelatnošću. Ja vam mogu reći da neke ustanove u javnom sektoru, to sam govorila i ranije i evo ponovit će po ne znam koji put da mnoge ustanove u javnom sektoru ne obavljaju svoju djelatnost u skladu sa zakonom o zdravstvenoj zaštiti. Zakon o zdravstvenoj zaštiti je donešen 2010 i sve zdravstvene ustanove su trebale uskladiti svoju djelatnost do 2012 godine. Ni jedna to nije uradila. Mi ćemo kroz ovaj sada plan reorganizacije ako mogu sada uprošteno kazati pospremiti stanje i u javnom i u privatnom sektoru. Vi ćete dobiti taj dokument. Imate pravo da se naravno o njemu izjasnite i da date svoje mišljenje. Mnoge ustanove u javnom sektoru neće moći da se bave poslovima koje su do sada radili a koje nisu njihova nadležnost, ali će morati da rade ono što im je propisano

zakonom ali što do sada neke od njih nisu radile, bit će tu. Ta reorganizacija, postavili ste i to pitanje, će vjerovatno zadirati i u određena statusna pitanja kod ustanova ali neće biti potrebe da se mijenja zakon zbog toga. Zakon je po mom sudu dobar, kada je u pitanju Zakon o zdravstvenoj zaštiti možda bi se mogao popraviti u određenim dijelovima li kada je u pitanju organizacija on nudi dosta dobar okvir da se organizacija zdravstva makar u Kantonu Sarajevo može organizirati na mnogo efikasniji i racionalniji način. Što se tiče ova dva zakona, vi znate da su to federalni propisi, da to nije naša nadležnost, mi možemo ako imate kakvih inicijativa pokrenuti inicijativu prema <federalnom Ministarstvu zdravstva i prema Federalnoj Vladi za izmjene zakona, mi smo imali primjedbe recimo konkretno kod uvjeta po pitanju imenovanja direktora zdravstvenih ustanova mi smo smatrali da one edukacije iz menadžmenta ne daju tako da možete pokrenuti i inicijativu i što se tiče ove reforme postojeći zakonski propisi nisu smetnja da se oni provedu ali će možda biti potrebe da se kod nekih ustanova izmijene njihovi osnivački akti. To ćete u ovom planu sve dobiti, kompletne prijedloge o kojima ćete se vi ovdje izjašnjavati. Pitanje gđina Forte vezano za medicinu rada i rad ljekara. Mnoge ustanove sada rade poslove medicine rada, odnosno najveći broj ustanova radi sistematske preglede što ne bi smjeli i ne bi trebali da rade, zato angažiraju ljekare iz penzije i ugrožavaju osnovnu djelatnost medicine rada, i s tim se apsolutno slažem. I jedan od tih reformskih procesa će biti upravo i to koji ćemo sada riješiti kroz ovaj plan reorganizacije. Nema više ništa.

Predsjedateljica:

Hvala ministricice Ademaj. Za raspravu se javio uvaženi zastupnik Forto.

Poslanik/zastupnik Edin Forto:

Zahvaljujem. Zahvaljujem i ministrici na ovako iscrpnom izvještaju. Očigledno je da je vrlo analitički pristupljeno svim ovim institucijama i da se napokon gleda jedan okvir a ne jedna po jedna kako smo imali priliku u prošlosti. Na taj način ću i ja diskutovao. Prije nego što počnem htio bih samo reći da mi još uvijek nismo dobili revizorski izvještaj KCUS a danas raspravljamo o Planu rada te institucije bez da smo vidjeli tačno šta je bilo u prošloj godini. Mislim da je to nedostatak i to nam otežava i diskusiju i glasanje po tom pitanju. Htio bih razgovarati o jednoj stvari koja se tiče opet one iste teme a to je odnos naše vlade i nas koji smo vlasnici ovih institucija prema ovim institucijama koje djeluju na tržištu zdravstva i onome što se dešava u odnosu na privatni sektor. Postoji jedna činjenica a to metodologija koju propisuje Ministarstvo zdravstva za izradu planova ovih institucija a u razgovoru sa nekim od direktora i predstavnika ovih institucija oni su također prenijeli zabrinutost a to je metodologija izrade ovih izvještaja koja zahtijeva da se usklade prihodi i rashodi. Da prevedem to na neki dnevni jezik. To praktično znači da svi planiraju nulu. Da znači neće biti i u dobitku ni u gubitku. To je sada tako po zakonu. Međutim ta metodologija ne prepoznaje činjenicu da su neke zdravstvene ustanove profitabilne i neke od ovih firmi su profitabilne a neke institucije su zbog djelatnosti koju obavljaju i zbog svoje javne službe mogu biti negativne. Mi praktično to sve zanemarujemo i šta se desi. KC je prošle godine imao gubitak od 16,5 miliona KM. I dobro mi sada ne znamo da li taj gubitak dobar ili loš. Možda način na koji KC treba da opslužuje stanovništvo naše možda ne može biti pozitivan, možda je trebao biti gubitak 25 miliona pa su super radili imali samo 16,5 miliona. Međutim možda isto tako je taj KC trebao biti profitabilan a napravio je 16,5 miliona gubitka. Mi to ne znamo jer je planirana nula- što metodologija izrade predviđa to nema nikakve ekonomske logike. Evo da ne bude da samo govorim o KC, uzimimo Apoteke Sarajevo. Ministrica je pomenula 47 poslovnica Apoteka Sarajevo, ne postoji apoteka na svijetu koja nije izrazito profitabilna. Mi planiramo 0. I tako se desi da prošle godine imamo u izvještaju apoteka 220.000 KM dobiti, isto ono što smo prije govorili ta dobit je trebala biti mnogo veća i uplaćena u budžet. Zbog toga ova Vlada i ovo Ministarstvo treba da razmisle kako sistemski pristupiti ovom problemu. Kako planirati stvarne troškove jer ne radi se ovdje samo o 350 miliona KM ZZO. KC ima samo 55% svojih prihoda iz našeg ZZO. Ostale

crpi iz federalnih fondova iz drugih kantona i također crpi iz projekata kao što je centralni medicinski blok. Ono što pokušavam reći a ono što će se vjerovatno dosta ovih ljudi koji vode institucije složiti moramo propisati metodologiju gdje ćemo mi tačno znati šta je realno, koji su troškovi, koji su prihodi i da li neke institucije treba da budu pozitivne, i treba da budu negativne. I onda kada nama ovdje dođe taj plan mi kažemo slažemo se da taj i ta institucija može napraviti gubitak, pokrit će se iz budžeta ili nekog drugog izvora, ali isto tako ćemo zahtijevati da Apoteke Sarajevo, zavod za medicinu rada i ove neke druge koje su dobre na tržištu da uplate novac u budžet. I onda ćemo zahtijevati od Apoteka Sarajevo da uplate par miliona u budžet a ne da ih planiramo na nuli. Mislím da je ovo jedna vrlo bitna stvar o kojoj se do sada nije puno raspravljalo. Siguran sam da u Ministarstvu razmišljaju o tome, ali jedan od početaka kako bi mogli krenuti je da razmotrimo metodologiju izrade planova poslovanja koja trenutno nije na nivou možda ljudima nekim to nije jasno. U razvijenim zemljama na zapadu većina ovih institucija su profitabilne. Nema razloga da naša bilo koja institucija pravi gubitak a pogotovo da se pravda da dođu i da kažu evo mi smo 18.000 KM u plusu a tamo moglo biti 2 miliona KM plusa. To je znači jedna stvar. Vezano za ovo je ustvari onaj problem koji smo imali u prethodnim godinama a to je činjenica da zakonom, našim zakonom je zabranjeno da ZZO investira u kapitalna ulaganja npr. u naše bolnice ili KC. A to je rađeno jer u budžetu nema novca. Jedan od razloga što u budžetu nema novca je što nismo planirali ovako kako sam upravo naveo. Mi prema tome ne bi ni ušli u ovu situaciju gdje ne postoje kapitalna ulaganja iz budžeta.

Predsjedateljica:

Vrijeme gospodine Forto.

Poslanik/zastupnik Edin Forto:

Koliko imam još vremena?

Predsjedateljica:

Imate još minutu.

Poslanik/zastupnik Edin Forto:

Joj imao sam puno toga za reći. Dobro evo još da iskoristim minutu. Ništa ovo što sam još htio reći za KCUS. To je još jedan dobar primjer. Znači oni su napravili gubitak, povećali su prihode 5%, smanjili su troškove 3% i rekli evo mi smo sada dobro planirali. Plan je po meni, svaki plan od ovih institucija dobro izgleda i mi ga možemo podržati jer je on isplaniran kako metodologija propisuje međutim za jedan od tih planova KC nismo dobili revizorski izvještaj za prošlu godinu, jednostavno ne možemo ga na pravi način ovdje raspraviti. Evo ja bih volio da sam još ali možda drugom prilikom. Hvala.

Poslanik/zastupnik Goran Akšamija:

Zahvaljujem predsjedavajuća. Pozdravljam naknadno prispjele predstavnike zdravstvenih ustanova. Evo ja ću se kratko osvrnuti na ovo ne bih puno diskutovao. Mislím dosta pitanja sam već tu formulisao kroz zastupničko pitanje. Meni je drago da je ministrica ovako optimistična po pitanju reforme zdravstva iako je meni poznato da ni jedna zemlja nije uspjela pa ni mnogo razvijenije od nas da je napravi za pola godine ali ja se nadam njenom uspjehu i naravno da će ta reforma onda omogućiti da se ovi naravno planovi i programi rada dopune i da budu daleko bolji od ovih koji su, moram iskreno reći, ne da kritikujem nego na nivou od prethodnih godina, što je po meni sasvim normalno. Što se i gđin zastupnik Forto osvrnuo na neke stvari, pitanja, i ovih gubitaka, ja mogu da kažem u pitanju je naš sistem finansiranja zdravstvenih ustanova i to je taj naravno problem koji se javlja gdje te ustanove nisu plaćene za te usluge koje daju, i prema tome, ono što sam naglasio što ministrica kaže da ovi zakoni nisu bitni za reformu

zdravstva, to su dva najbitnija zakona, svjedoci smo u susjednoj Hrvatskoj šta se dogodilo. Zakon o sanaciji bolničkih ustanova i svega na koji ne nivo to vraćeno. Tako da i ta reforma dobrim dijelom tako da kažemo propala, a vidimo upravo da je jedan od najvažnijih faktora Zakon o obaveznom zdravstvenom osiguranju koji se nakon toliko godina reforma sada ponovo mijenja, i znači on je jedan od osnova za uspješnu reformu zdravstva jer od toga zavisi i finansiranje i pružanje usluga. Ne bih dalje o ovome puno diskutovao. Osvrnuo bih se na ove programe rada i finansijske planove, evo kao što zastupnik Forto rekao, s vi su oni tu negdje pokriveni. U principu ne pružaju ništa novo. Činjenica je da su dospjeli u sedmom mjesecu, znači to je ipak malo apsurdno razmatrati ovakve programe faktički već nakon proteklih šest mjeseci a odnose na 2016 godinu ali zato ima jedno opravdanje, ustvari to je ZZO Kantona Sarajevo koji je svoje finansijske planove i programe rada dostavio sa jednim zakašnjenjem a druga stvar koliko mi je bilo poznato ove tačke su odgođene i na jednom od Kolegija vlade tako da ove ustanove s te strane neću puno ni kritikovati. Uglavnom da kažem Klub zastupnika DF-a će podržati programe rada i finansijske planove za 2016 godinu svih navedenih zdravstvenih ustanova sa nadom da će iduće godine imati priliku da kažemo te reformske stavove i principe i da će oni biti naravno stručno sačinjeni od strane stručnih lica i da će ovi programi nešto izgledati drugačije u narednoj godini. Hvala lijepo.

Predsjedateljica:

Hvala lijepo uvaženi zastupniče Akšamija. Zaključujem raspravu i prelazimo na pojedinačno izjašnjavanje.

- a) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA JAVNO ZDRAVSTVO KANTONA SARAJEVO.
Tko je za? Tko je protiv? Suzdržan.
Za je glasalo 23 zastupnika, protiv 1 i suzdržano ništa.
KONSTATUJEM DA JE SKUPŠTINA DONIJELA OVU ODLUKU.
- b) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO .
TKO JE ZA? TKO JE PROTIV? TKO JE SUZDRŽAN? ZA JE GLASALO 25 ZASTUPNIKA. PROTIV NIŠTA, SUZDRŽANO NIŠTA
KONSTATUJEM DA JE SKUPŠTINA DONIJELA I OVU ODLUKU
- c) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU APOTEKE SARAJEVO
Tko je za? Tko je protiv? Suzdržan.
Za je glasalo 24 zastupnika, protiv 1 i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- d) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA BOLESTI OVISNOSTI Kantona Sarajevo
Tko je za? Tko je protiv? Suzdržan.
Za je glasalo 24 zastupnika, protiv 1 i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- e) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA MEDICINU RADA Kantona Sarajevo
Tko je za? Tko je protiv? Suzdržan.

- Za je glasalo 24 zastupnika, protiv 1 i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- f) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA ZDRAVSTVENU ZAŠTITU ZAPOSLENIKA MUP-a Kantona Sarajevo
Tko je za? Tko je protiv? Suzdržan.
Za je glasalo 25 zastupnika, protiv NIŠTA i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- g) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA HITNU MEDICINSKU POMOĆ Kantona Sarajevo
Tko je za? Tko je protiv? Suzdržan.
Za je glasalo 25 zastupnika, protiv NIŠTA i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- h) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA ZAŠTITU ZDRAVLJA STUDENATA UNSA
Tko je za? Tko je protiv? Suzdržan.
Za je glasalo 25 zastupnika, protiv NIŠTA i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- i) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU KLINIČKI CENTAR UNIVERZITETA U SARAJEVU
Tko je za? Tko je protiv? Suzdržan.
Za je glasalo 23 zastupnika, protiv NIŠTA i suzdržano 2
KONSTATUJEM DA JE SKUPŠTINA DONIJELA I OVU ODLUKU
- j) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU OPĆE BOLNICE PRIMARIJUS DR ABDULAH NAKAŠ
Tko je za? Tko je protiv? Suzdržan.
Za je glasalo 23 zastupnika, protiv 2 i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- k) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU PSIHIJATRIJSKA BOLNICA Kantona Sarajevo
Tko je za? Tko je protiv? Suzdržan.
Za je glasalo 24 zastupnika, protiv 1 i suzdržano ništa
KONSTATUJEM DA JE SKUPŠTINA DONIJELA I OVU ODLUKU
- l) MOLIM VAS DA PRISTUPIMO IZJAŠNAJVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN ZA 2016 GODINU JU ZAVOD ZA SPORTSKU MEDICINU Kantona Sarajevo
Tko je za? Tko je protiv? Suzdržan.
Za je glasalo 25 zastupnika, protiv NIŠTA i suzdržano ništa
KONSTATUJEM DA JE SKUPŠTINA DONIJELA I OVU ODLUKU

Prelazim na šestu tačku dnevnog reda a to je:

AD – 6.

PRIJEDLOG ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM:

- a) Javne ustanove Centar za kulturu Kantona Sarajevo za 2016. godinu;
- b) Javne ustanove Muzej Sarajeva za 2016. godinu;

Predlažem da prijedlog odluka obavimo u jedinstvenoj raspravi a glasamo pojedinačno te vas molim da se izjasnimo. Tko je za? Tko je protiv? Suzdržan? Hvala lijepo.

Za je glasalo 24 zastupnika, protiv ništa, suzdržano ništa. Konstatujem da smo ovaj prijedlog usvojili.

Molim predlagača da podnesete uvodne napomene, izvolite uvaženi ministre Kurić. Ima li potrebe? Nema. Hvala lijepo uvaženi ministre. Da li predstavnici radnih tijela žele riječ? Ne. Ima li pitanja? Nema pitanja. Otvaram raspravu. Zaključujem raspravu i prelazimo na pojedinačno izjašnjavanje a to je:

- a) **IZJAŠNJAVANJE O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE CENTAR ZA KULTURU KANTONA SARAJEVO ZA 2016. GODINU**
TKO JE ZA? TKO JE PROTIV? TKO JE SUZDRŽAN?
ZA JE GLASALO 26 ZASTUPNIKA, PROTIV NIŠTA, SUZDRŽANO NIŠTA.
KONSTATUJEM DA JE SKUPŠTINA DONIJELA OVU ODLUKU.
- b) **IZJAŠNJAVANJE O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE MUZEJ SARAJEVA ZA 2016. GODINU**
TKO JE ZA? TKO JE PROTIV? TKO JE SUZDRŽAN?
ZA JE GLASALO 26 ZASTUPNIKA, PROTIV NIŠTA, SUZDRŽANO NIŠTA.
KONSTATUJEM DA JE SKUPŠTINA DONIJELA OVU ODLUKU.

Sada prelazimo na sedmu tačku dnevnog reda, a to je:

AD -7.

PRIJEDLOG ODLUKE O DAVANJU SAGLASNOSTI MUZIČKOJ AKADEMIJI UNIVERZITETA U SARAJEVU ZA PRODAJU ODNOSNO ZAMJENU STAMBENE JEDINICE U VLASNIŠTVU MUZIČKE AKADEMIJE

Prijedlog odluke ste dobili uz ovaj poziv za sjednicu. Molim predstavnika predlagača. Ima li potrebe? Nema potrebe. Hvala lijepo. Da li predstavnici radnih tijela žele riječ? Ne. Ima li pitanja? Nema pitanja. Otvaram raspravu. Zaključujem raspravu.

MOLIM DA PRISTUPIMO IZJAŠNJAVANJU O PRIJEDLOGU ODLUKE O DAVANJU SAGLASNOSTI MUZIČKOJ AKADEMIJI UNIVERZITETA U SARAJEVU ZA PRODAJU ODNOSNO ZAMJENU STAMBENE JEDINICE U VLASNIŠTVU MUZIČKE AKADEMIJE

Tko je za? Tko je protiv? Suzdržano? Hvala.

ZA JE GLASALO 20 ZASTUPNIKA, PROTIV NIŠTA I SUZDRŽANO 4.
KONSTATUJEM DA JE SKUPŠTINA DONIJELA OVU ODLUKU.

Sada prelazimo na osmu tačku dnevnog reda a to je:

AD - 8.

PRIJEDLOG ODLUKE O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVO-GAS" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Prijedlog odluke ste dobili uz ovaj poziv za sjednicu. Molim predstavnika predlagača. Nema potrebe. Hvala lijepo. Pošto nema pitanja nema ni rasprave zaključujem raspravu i pristupamo izjašnjavanju.

MOLIM DA PRISTUPIMO IZJAŠNJAVANJU PRIJEDLOGU ODLUKE O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVO-GAS" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Tko je za? Tko je protiv? Suzdržano? Hvala.

**ZA JE GLASALO 24 ZASTUPNIKA, PROTIV NIŠTA I SUZDRŽANO ništa.
KONSTATUJEM DA JE SKUPŠTINA DONIJELA OVU ODLUKU.**

Sada prelazimo na devetu tačku dnevnog reda, a to je:

AD - 9.

PRIJEDLOG ODLUKE O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA ENERGETSKA EFIKASNOST ZA BIH

Prijedlog odluke ste dobili u dopunskom materijalu. Ima li potrebe predlagač? Nema potrebe. Hvala lijepo. Da li predstavnici radnih tijela žele riječ? Ne. Ima li pitanja? Nema pitanja. Otvaram raspravu. Zaključujem raspravu.

MOLIM DA PRISTUPIMO IZJAŠNJAVANJU PRIJEDLOGU ODLUKE O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA ENERGETSKA EFIKASNOST ZA BIH

Tko je za? Tko je protiv? Suzdržano? Hvala.

**ZA JE GLASALO 26 ZASTUPNIKA, PROTIV NIŠTA I SUZDRŽANO ništa.
KONSTATUJEM DA JE SKUPŠTINA DONIJELA OVU ODLUKU.**

Prelazimo na desetu tačku dnevnog reda a to je:

AD – 10.

PRIJEDLOG ODLUKE O USVAJANJU PROGRAMA UREĐENJA GRAĐEVINSKOG ZEMLJIŠTA I REALIZACIJE KAPITALNIH INVESTICIJA ZA 2016.GODINU

Prijedlog odluke ste dobili u dopunskom materijalu. Ima li potrebe predlagač? Nema potrebe. Hvala lijepo. Da li predstavnici radnih tijela žele riječ? Ne, ne žele. Ima li pitanja? Nema pitanja. Otvaram raspravu. Zaključujem raspravu.

MOLIM DA PRISTUPIMO IZJAŠNJAVANJU PRIJEDLOGU ODLUKE O USVAJANJU PROGRAMA UREĐENJA GRAĐEVINSKOG ZEMLJIŠTA I REALIZACIJE KAPITALNIH INVESTICIJA ZA 2016.GODINU

Tko je za? Tko je protiv? Suzdržano? Hvala.

ZA JE GLASALO 21 ZASTUPNIKA, PROTIV 3 I SUZDRŽANO ništa.

KONSTATUJEM DA JE SKUPŠTINA DONIJELA OVU ODLUKU.

Prelazimo na jedanaestu tačku dnevnog reda, a to je:

AD -11.

PRIJEDLOG ODLUKE O DAVANJU SAGLASNOSTI ZA OSNIVANJE PRIVATNE SREDNJE ŠKOLE NAZIVA: SREDNJA ŠKOLA ZA INFORMACIONE TEHNOLOGIJE I SAVREMENA GIMNAZIJA, SARAJEVO, ZMAJA OD BOSNE BB

Prijedlog odluke ste dobili također uz dopunski materijal. Molim predstavnika predlagača da podnese uvodne napomene. Izvolite uvaženi ministre Kazazoviću.

Ministar Elvir Kazazović: UVODNO IZLAGANJE

Predsjedateljica:

Hvala lijepo uvaženi ministre Kazazoviću.

Hvala lijepo. Da li predstavnici radnih tijela žele riječ? Ne, ne žele. Ima li pitanja? Nema pitanja. Otvaram raspravu.

Poslanik/zastupnik Goran Akšamija:

Zahvaljujem predsjedavajuća. Evo ja sam možda danas malo i preopširan i suviše aktivan, ono što kažu ko hiperaktivno dijete. U ovome svemu ja mislim da je krajnje vrijeme da ova Vlada Kantona Sarajevo zaustavi trend otvaranja, ja ću se osvrnuti na 12 tačku dnevnog reda privatnih škola, privatnih fakulteta, jer ja ne znam, s ovim se sigurno ugrožava državni univerzitet, javne srednjoškolske ustanove, i na ovaj način mi u stvari omogućujemo kao pri kupovini polovnih vozila, plati i vozi, ovo je jedna totalna degradacija obrazovnog sistema koja je zahvatila takve razmjere da u današnje vrijeme imamo više fakulteta nego trafika. smatram da u buduće Vlada Kantona Sarajevo treba zaštititi javni sektor, odnosno državni univerzitet, srednjoškolsko obrazovanje i da ne pravimo nikakvu hiperprodukciju kadra. Koliko mi je poznato, faktički od srednjih škola Sarajevo ima samo sedam gimnazija. Pa dokle ćemo mi stići. Nije to na teretu budžeta ali šta s tim dobijamo? Ne dobijamo ništa. Može svako otvoriti fakultet. Vidimo koji se problemi javljaju kada treba jedan državni univerzitet odnosno fakultet da dobije akreditaciju a

neko ga dobija na osnovu mišljenja neke ekspertne grupe za pet minuta. Klub zastupnika DF-a u buduće neće podržati ni jednu ovakvu inicijativu odnosno prijedlog za otvaranje ovakvih obrazovnih ustanova i smatram da je ovo više nedopustivo u ovom društvu.

Predsjedateljica:

Hvala lijepo uvaženi zastupniče Akšamija. Ima li još za raspravu? Nema. Zaključujem raspravu.

MOLIM DA PRISTUPIMO IZJAŠNJAVANJU PRIJEDLOGU ODLUKE O DAVANJU SAGLASNOSTI ZA OSNIVANJE PRIVATNE SREDNJE ŠKOLE NAZIVA: SREDNJA ŠKOLA ZA INFORMACIONE TEHNOLOGIJE I SAVREMENA GIMNAZIJA, SARAJEVO, ZMAJA OD BOSNE BB

Tko je za? Tko je protiv? Suzdržano? Hvala.

ZA JE GLASALO 3 ZASTUPNIKA, PROTIV 4 I SUZDRŽANO 15.

KONSTATUJEM DA JE SKUPŠTINA NIJE DONIJELA OVU ODLUKU.

Sada prelazimo na 12 tačku dnevnog reda a to je

AD -12.

PRIJEDLOG ODLUKE O DAVANJU SAGLASNOSTI ZA OSNIVANJE VISOKE ŠKOLE ZA RAČUNARSKE I INFORMACIONE TEHNOLOGIJE

Prijedlog odluke ste dobili u dopunskom materijalu. Molim predstavnika predlagača, ima li potrebe? Nema. U redu. Hvala lijepo. Da li predstavnici radnih tijela žele riječ? Ne žele. Ima li pitanja? Nema. Otvaram raspravu. Izvolite uvaženi zastupniče Forto.

Poslanik/zastupnik Edin Forto:

Nisam mislio govoriti ali vidim na osnovu ove prethodne diskusije i prethodnog glasanja moram samo prokomentarisati jednu činjenicu. Škola koja stvara buduće inženjere elektrotehnike ili buduće ljude koji će raditi u komunikacija ili IT sektoru nisu viška u ovom gradu jer znam strašno puno ljudi koji vode firme iz tog sektora koji kažu sada ih ima par hiljada u Sarajevu da ih se još par hiljada sutra pojavi svi će dobiti posao. Mi sada glasamo protiv škole koja će proizvoditi takve kadrove privatne, jer nemamo takvih škola srednjih. Ja sam išao u Drugu gimnaziju, to je prije rata. Moja struka je bila programer. Sada toga u Drugoj gimnaziji više nema. Sada imaju neke opšte smjerove nešto skroz drugo. Ovog kadra fali. Neko dođe sa privatnom inicijativom da popuni ono što država nije uradila i mi sada blokiramo to. Ja sam pročitao materijal, ne znam ništa o osnivaču. Ja sam pročitao materijal i da li treba ovo ili ne treba. Ako je elaborat pokazao da treba a znamo sa tržišta da treba ovakvih ljudi ne znam ne razumijem ovu reakciju. Ali evo samo sam osjetio potrebu to da kažem.

Poslanik/zastupnik Goran Akšamija:

Ovo će biti više jedna replika na izlaganje gđina Forte da ne bih diskutovao o ovome svemu. Ne radi se o potrebama nego se radi o kvalitetu obrazovanja. Ja u svakom slučaju podržavam razvoj IT ali opet naglašavam da imamo dovoljno škola koje se kroz jednu reformu obrazovnog sistema mogu prevesti u ovu da kažem oblast obrazovanja. Ja opet ponavljam radi se isključivo o kvalitetu obrazovanja jer nam je vrlo dobro poznato kakve se diplome dobijaju i kakav je to kvalitet obrazovanja, hvala.

Poslanik/zastupnik Edin Forto replika:

Dobro izgleda se ipak razumijemo. U redu je. Samo mislim da to nije stvar da se blokiraju inicijative ovakve nego da se da kapacitet inspekciji a mita ćemo to poslije na dnevnom redu koja će sprovesti inspeksijski nadzor nad obrazovnim ustanovama, što do sada nisu imali kapaciteta i naravno sve one institucije koje treba da se pobrinu da li je ono što privatne ustanove daju stvarno to ili je ova kupovina o kojoj je gđin Akšamija govori. Znači mi se slažemo samo mislim da možda smo redoslijed koraka da je pomjeren.

Poslanik/zastupnik Slaviša Šućur izvolite:

Zahvaljujem predsjedavajuća. Pa ja sam se javio iz sličnog razloga kao i moj kolega Forto. Mi smo ovdje nedavno podržali osnivanje škole po programu Hašemitske kraljevine Jordan. Sada bih volio da mi neko objasni kako to da mi imamo potrebu za takvim kadrovima i takvom školom a nemamo potrebu za školskom koja se bavi informacionim tehnologijama, dakle zanimanjem budućnosti i nečim što je zaista interesantno za naše tržište rada. Ja se bojim da se ovdje radi o nečem sasvim drugom. Tada nismo imali ni problema ni zabrinutosti za kvalitet nastave, za potrebe tržišta, ja se zaista pitam šta je pozadina svega ovoga? Otkud najedanput takav otpor. Potpuno se slažem s gospodinom Akšamijom. Mi imamo problem što se nama pogotovo visokoškolski provukle ustanove koje daju jako loše obrazovanje ali činjenica je da je to problem što nemamo adekvatno razvijen sistem kontrole. I to je nešto na čemu treba raditi. Ono što je još problem, mi ovdje do sada smo po inerciji koliko ja znam sve podržali. Ja ne znam da li je ikada i jedna bila koja je osporena. I sada jedna koja se meni, dakle ja sam tek jedan mandat ovdje, ovo je prva koja se meni učinila da postoji zaista potreba, i gle čuda pade ko s kruške. Meni zaista nije jasno šta se ovdje dešava. I volio bih da Vlada promijeni politiku. Da Vlada bude ta i resorno Ministarstvo koje će procijeniti realne potrebe tržišta rada FBIH, mogućnost zapošljavanje naših ljudi u okruženju i da naprave neki koncept koje su to struke koje nama trebaju a šta je ono za čim mi objektivno ili imamo viška kapaciteta ili nemamo potrebe.

Predsjedateljica:

Hvala lijepo uvaženi zastupniče Šućur i evo premijer uvaženi premijer je tražio riječ- izvolite premijeru.

Premijer Elmedin Konaković:

Evo cijenim da bi bilo dobro da podijelimo i neke naše dileme koje smo mi kao Vlada imali i da malo još dodato pojasnim ovu cijelu priču oko koncepta obrazovanja u kantonu i mislimo da je zaista jedna od najvažnijih tema. Mi trenutno imamo po mišljenju vlade o tome smo diskutovali nekoliko puta imali loš koncept donošenja ovakvih odluka. Loš koncept u kojem bi smo budućnosti i na tome radimo, prvi korak donositi u Skupštini Kantona Sarajevo, a to je društveno ekonomska opravdanost za postojanje nekog od ovih projekata, u osnovnom, srednjem ili visokom obrazovanju kada se ukaže potreba kao što se ovdje apsolutno ukazuje potreba da imamo škole i posebno visokoškolske ustanove koje proizvode deficitarna zanimanja kojih na tržištu rada na birou nema, da to ukazuje na društveno ekonomsku opravdanost postojanja nekog projekta. I Skupština tu treba da da zeleno svjetlo i naloži Vladi i Ministarstvu da se jedan takav projekat realizuje. Da naredni koraci budu ono što je danas jako teško. Danas imamo jedan koncept u kojem mi ovako radimo: formira se komisija Ministarstva, ona prihvati taj elaborat koji osnivač podnese u vidu zahtjeva Ministarstva za obrazovanje ocjenjuje njegov kvalitet i daje saglasnost za pokretanje procesa osnivanja tek škole. U tom već prvom koraku osnivači su dužni obezbjediti bankovne garancije dužni su obezbjediti kolaterale, zgrade i mnogo nekih ekonomskih parametara koji se zovu investicija. I to je sada ova dilema da li investitora obavezati da prvo investira pa ga onda ovdje zaustaviti. Reći ne, ne, vi ste investirali ali sada ne možete ići u realizaciju cijelog ovog sistema kojeg smo i mi na Vladi

analizirali više puta. Jedna mala digresija. Mi ovakvih zahtjeva imamo jako puno. Ova škola sada je preformulisala svoj zahtjev. Oni su se nama obratili sa zahtjevom da to bude 132. Gimnazija pri kantonu Sarajevo, mi smo hladno odbili taj zahtjev. Cijenimo da nam 13. Gimnazija ne treba. Dodatno su se oni izanalizirali riječ je o ljudima koji rade takve nastavne projekte, onda su donijeli prijedlog u kom je to jedan razred IT sektor, a drugi je, to su dva razreda upisa u ovoj školskoj godini. I onda smo mi procijenili da postoji neki minimum dovoljan da mi kažemo zbog isključivo ovoga o čemu je Forto govorio, ja se tu apsolutno slažem. Dakle trenutne potrebe našeg tržišta i naših svakodnevnih kontakata sa firmama koji traže svakodnevno sa firmama ne samo vrhunske inženjere sa našeg fakulteta nego i niža zvanja u oblasti IT sektora nego programere i developere koji bis svaki dan zaposlili nekoliko hiljada danas da ih imamo proizvedene u kantonu a nemamo ih. Zbog toga i mi cijenimo naravno da je to nužno i radit ćemo naravno na tome da se to rješavamo i kroz naš sistem. Nameće se ovo drugo pitanje javnog i privatnog. Nisam siguran da mi to najbolje radimo. Da to najbolje radi naš sistem. Evo vam nekoliko primjera. Prije par dana su kod mene bili ovi matematičari, reprezentacija matematička, kolega Kojović je to posredovao, razgovarali smo o njihovom odlasku Reprezentacija koja ide na Svjetsko prvenstvo, tamo su djeca iz ove škole Bosna Sema ovaj turski koledž ubjedljivo najbolja. Nema ni jedno dijete ni iz Bošnjačke ni iz Druge gimnazije, ministre. Ni jedno dijete nema ni iz Bošnjačke ni iz Druge gimnazije. Sve su djeca iz ove škole. Kada analiziramo tržište rada i povezanosti sa univerzitetima procenat zaposlenosti po završenom koledžu ili fakultetu kada pogledate BURCH, kada pogledate IUS, kada pogledate Ganića, mnogo bolja statistika komunikacija s tržištem rada, osposobljavanje kadra i pronalazak posla, duplo bolja nego našeg Univerziteta. Dakle to je ono gdje mi prvo moramo otvoriti prostor privatnom. To je neminovnost. E sada dolazimo na ono suštinsko i mislimo da nam to fali, složili smo se, i ministarstvo na tome radi, to je jedna strategija u kojoj mi treba da definišemo tačno šta nama treba pa da na to apliciraju zainteresovani. Pa da mi kažemo nama sigurno ovakve tri škole trenutno trebaju. Tri škole koje će proizvoditi programere, developere i ljude iz IT sektora, pripremati ih za studij a onda naravno povećati upisne kvote na Elektrotehničkom fakultetu. Vraći ću se na jednu informaciju koju sam govorio kako nam je sad stanje na UNSA u raspodjeli tranše na 11 mjestu korištenja sredstava nalazi se Elektrotehnički fakultet. Na prvom Filozofski fakultet. To je ovo u šta smo mi krenuli i vidite da smo to u izmjenama zakona. Ove godine smo posebno posebni na upisnu politiku u kojoj izdržavamo strašne napade jer smo ove godine u šest škola ukinuli po jedno odjeljenje, ove godine sam u srednjim školama povećali kvote na ove upise na zanate, ministar i ministarstvo su obezbijedili stipendije za one koji se odluče upisivati deficitarna zanimanja, zanate i danas smo se dogovorili, Vlada će to u ovoj sedmici realizirati dodatno trostruki iznos sredstava, 200.000 ćemo imati ako Bog da da damo stipendije svima koji hoće u ove škole koje su deficitarne. Koji hoće da budu stolari, bravari, da se bave obradom drveta, koji hoće prema turizmu. Dakle tamo gdje ne možemo da napunimo škole. Istovremeno na nas je pritisak ogroman da dozvoljavamo odjeljenja posebno u gimnazijama, posebno u medicinskim školama, u ekonomskoj školi. U ekonomskoj školi smo ove godine dozvolili pet odjeljenja. Preprošle je bilo sedam odjeljenja. Dakle to je zaista opredjeljenje sa već jasnim pokazateljima kako mi razmišljamo. I vraćam se na ovu temu aktuelnu dilemu. Ovdje imaju nekoliko drugih propusta, možda smo i mi propustili da to uradimo kao Vlada, ali opet zadovoljen je okvirni zakon. Dakle tamo je jasno propisana procedura kako se u suštini nekome omogućava da dođe u proces formiranja škole. Ovdje imamo drugu suštinsku dilemu, Halebić je to čini mi se uočio u smislu zaštite kolateralila ili garancija bankovnih. Ovdje je jedna zgrada ovo su dali dva puta u istu garanciju i nema obezbijeđenih sredstava. Naš zakon kaže treba da budu obezbijeđena sredstva, pa smo zato mi razgovarali i nismo insistirali niti smo baš posebno ubjeđivali da u ovoj temi koja još uvijek je u nekom nejasnom ambijentu između potrebe da sigurno to bude IT škola i srednja i visokoškolska ustanova. Čak je poželjno da je to visoka škola da nije novi fakultet. To je nivo edukacije kadra koji je prijeko potreban tržištu. To je potreba tržišta. S

druge strane ne možemo mi garantovati kvalitet obrazovanja niti u ovom trenutku možemo reći da neće biti dobar. Tek u drugom koraku kada Skupština danas kaže kako kaže da može onda ponovo Ministarstvo analizira koji su to ljudi koji će tamo voditi proces nastave i ostale informacije koje se tek nakon dobijanja ove saglasnosti mogu dešavati. Ne mislim da je za nas nešto danas posebno skandalozno niti štetno, ni opcija a ni opcija b ali nam samo pokazuje još jednom kako smo trenutno u jednoj fazi komplikovanog procesa koji nam ne daje željene rezultate. I obaveza je naravno nas kao vlade i Ministarstva da se ubrzano rade ovi dokumenti koji se zovu strateški dokumenti za razvoj obrazovanja i paralelno s tim evo vi će svjedočite radimo sve zakone. I osnovno i srednje i visoko u kojem bi smo ovakve stvari trebali popraviti. Hvala.

Predsjedateljica:

Hvala lijepo uvaženi premijeru.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA OSNIVANJE VISOKE ŠKOLE ZA RAČUNARSKE I INFORMACIONE TEHNOLOGIJE

Tko je za? Tko je protiv? Tko je suzdržan?
Za je glasalo 4 zastupnika, protiv 4 i suzdržano 18.

KONSTATUJEM DA SKUPŠTINA NIJE DONIJELA OVU ODLUKU.

Sada prelazimo na 13 tačku, a to je:

AD – 13.

PRIJEDLOG ODLUKE O DAVANJU IMENA TRGU NA PODRUČJU OPĆINE CENTAR, NA LOKALITETU MZ „TRG OSLOBOĐENJA-CENTAR”

Prijedlog odluke ste dobili u dopunskom materijalu. Ima li potrebe za uvodnim izlaganjem? Nema. Da li predstavnici radnih tijela žele riječ? Ne. Ima li pitanja? Nema. Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU IMENA TRGU NA PODRUČJU OPĆINE CENTAR, NA LOKALITETU MZ „TRG OSLOBOĐENJA-CENTAR”

Tko je za? Tko je protiv? Tko je suzdržan?
Za je glasalo 25 zastupnika, protiv 1 i suzdržano ništa.

KONSTATUJEM DA SKUPŠTINA DONIJELA OVU ODLUKU.

AD -14.

PRIJEDLOG ODLUKE O DAVANJU NAZIVA NOVOIZGRADENOJ ULICI, NA LOKALITETU „SKENDERIJA-PODTEKIJA” NA PODRUČJU OPĆINE CENTAR – MZ "SKENDERIJA-PODTEKIJA”

Prijedlog odluke ste dobili u dopunskom materijalu. Ima li potrebe za uvodnim izlaganjem? Nema. Da li predstavnici radnih tijela žele riječ? Ne. Ima li pitanja? Nema. Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU NAZIVA NOVOIZGRAĐENOJ ULICI, NA LOKALITETU „SKENDERIJA-PODTEKIJA” NA PODRUČJU OPĆINE CENTAR – MZ "SKENDERIJA-PODTEKIJA”

Tko je za? Tko je protiv? Tko je suzdržan?
Za je glasalo 25 zastupnika, protiv 1 i suzdržano ništa.

KONSTATUJEM DA SKUPŠTINA DONIJELA OVU ODLUKU.

Sada prelazimo na 15. Tačku dnevnog reda a to je:

AD -15.

PRIJEDLOG ODLUKE O IZMJENI NAZIVA DIJELA ULICE, ODNOSNO PREIMENOVANJU DIJELA ULICE NA PODRUČJU OPĆINE VOGOŠĆA - MZ „VOGOŠĆA I“

Prijedlog odluke ste dobili u dopunskom materijalu. Ima li potrebe da vodimo raspravu? Pošto predstavnici tijela također ne žele riječ. Ima li pitanja? Nema. Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI NAZIVA DIJELA ULICE, ODNOSNO PREIMENOVANJU DIJELA ULICE NA PODRUČJU OPĆINE VOGOŠĆA - MZ „VOGOŠĆA I“

Tko je za? Tko je protiv? Tko je suzdržan?
Za je glasalo 22 zastupnika, protiv ništa i suzdržano 3.

KONSTATUJEM DA SKUPŠTINA DONIJELA OVU ODLUKU.

Sada prelazimo na 16. Tačku dnevnog reda a to je:

AD -16.

- A) IZVJEŠTAJ O RADU I FINANSIJSKOM POSLOVANJU JAVNE USTANOVE SARAJEVSKA FILHARMONIJA ZA 2015. GODINU**
- B) IZVJEŠTAJ O RADU I FINANSIJSKOM POSLOVANJU JAVNE USTANOVE KAMERNI TEATAR ‘55 ZA 2015. GODINU**
- C) IZVJEŠTAJ O RADU I FINANSIJSKOM POSLOVANJU JAVNE USTANOVE MUZEJ „ALIJA IZETBEGOVIĆ“ ZA 2015. GODINU**

Predlažem da o ovome imamo jedinstvenu raspravu a izjašnjavamo se pojedinačno. Molim zastupnike da pristupe izjašnjavanju o ovom prijedlogu. Tko je za? Tko je protiv? Suzdržan? Hvala lijepo.

Za je glasalo 25 zastupnika, protiv ništa, suzdržano ništa

Konstatujem da je Skupština usvojila ovaj prijedlog.

Molim predstavnika Predlagača da podnese uvodne napomene. Izvolite uvaženi ministre. Nema potrebe. Da li predstavnici radnih tijela žele riječ? Ne. Hvala lijepo. Ima li pitanja? Nema ni ovdje pitanja. Otvaram raspravu. Zaključujem raspravu.

- A) MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JAVNE USTANOVE SARAJEVSKA FILHARMONIJA ZA 2015. GODINU

Tko je za? Tko je protiv? Tko je suzdržan?

Za je glasalo 3 zastupnika, protiv ništa i suzdržano 21.

KONSTATUJEM DA SKUPŠTINA NIJE USVOJILA OVAJ IZVJEŠTAJ

- B) MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JAVNE USTANOVE KAMERNI TEATAR '55 ZA 2015. GODINU

Tko je za?

Tko je protiv? Tko je suzdržan? Za je glasalo. Pojedinačno izjašnjavanje.

Sekretar po ovlaštenju Almira Kulovac Šetkić provodi pojedinačno izjašnjavanje:

1. Ademović Kemal ZA
2. Akšamija Goran suzdržan
3. Aljović Hamed za
4. Avdibegović Neira suzdržana
5. Babić Ana za
6. Bajrović Izudin opravdano odsutan
7. Bjelak Nermin za
8. Bukva Sejo opravdano odsutan
9. Čelik Mirza za
10. Čomor Eldar za
11. Ćudić Sabina suzdržana
12. Delalić Sabahudin za
13. Dovadžija Amar za
14. Filipović Selma za
15. Forto Edin suzdržan
16. Halilović Semir odsutan
17. Kerla Bibija Suzdržana
18. Kojović Predrag suzdržan
19. Kozadra Muhamed za
20. Lakota Rasim za
21. Marić zvonko odsutan
22. Mašović Amor za
23. Mekić Amel za
24. Mešanović Safet opravdano odsutan

25. Mehmedagić Mersiha suzdržana
26. Okerić Elvedin za
27. Pecikoza Fahrudin odsutan
28. Pindžo Mirsad suzdržan
29. Pleho Haris za
30. Prevljak Fikret za
31. Rađo Dževad za
32. Smajić Rasim odsutan
33. Srna Bajramović Segmedina opravdano odsutna
34. Šućur Slaviša odsutan
35. Vukasović Mario opravdano odsutan

Predsjedateljica:

Za je glasalo 17, protiv ništa i suzdržano 8.

KONSTATUJEM DA SKUPŠTINA NIJE USVOJILA OVAJ IZVJEŠTAJ

- c) MOLIM ZASTUPNIKE DA PRISTUPE IZJAŠNAVANJU O IZVJEŠTAJU O RADU I FINANSIJSKOM POSLOVANJU JAVNE USTANOVE MUZEJ „ALIJA IZETBEGOVIĆ“ ZA 2015. GODINU

Tko je za? Tko je protiv? Tko je suzdržan?

Za je glasalo 20 zastupnika, protiv ništa i suzdržano 5.

KONSTATUJEM DA SKUPŠTINA USVOJILA OVAJ IZVJEŠTAJ

Sada prelazimo na:

AD – 17.

IZVJEŠTAJ O RADU KANTONALNE UPRAVE ZA INSPEKCIJSKE POSLOVE KANTONA SARAJEVO ZA 2015. GODINU

Izvještaj ste dobili uz poziv za sjednicu. Molim predstavnika predlagača da podnese uvodne napomene. Ima li potrebe? Nema potrebe. Hvala. Oprostite gdine Česir. Da li predstavnici radnih tijela žele riječ. Ne. Ima li pitanja? Nema. Otvaram raspravu. Zaključujem raspravu.

MOLIM ZASTUPNIKE DA SE IZJASNE O IZVJEŠTAJU O RADU KANTONALNE UPRAVE ZA INSPEKCIJSKE POSLOVE KANTONA SARAJEVO ZA 2015. GODINU

Tko je za? Tko je protiv? Tko je suzdržan?

Za je glasalo 22 zastupnika, protiv ništa i suzdržano ništa.

KONSTATUJEM DA SKUPŠTINA USVOJILA OVAJ IZVJEŠTAJ

Sada prelazimo na 18 tačku a to je:

AD – 18.

IZVJEŠTAJ O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2015.GODINU

Izvještaj ste dobili uz poziv za sjednicu. Molim predstavnika predlagača da podnese uvodne napomene. Nema potrebe. Hvala. Da li predstavnici radnih tijela žele riječ. Ne. Ima li pitanja? Nema. Otvaram raspravu. Zaključujem raspravu.

MOLIM ZASTUPNIKE DA SE IZJASNE O IZVJEŠTAJU O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2015.GODINU

Tko je za? Tko je protiv? Tko je suzdržan?
Za je glasalo 20 zastupnika, protiv ništa i suzdržano NIŠTA.

KONSTATUJEM DA SKUPŠTINA USVOJILA OVAJ IZVJEŠTAJ

Sada prelazimo na 19 tačku a to je:

AD – 19.

IZVJEŠTAJ IZ OBLASTI SPORTA ZA 2015. GODINU

Također ste ovaj materijal dobili uz poziv za sjednicu. Molim predstavnika predlagača da podnese uvodne napomene. Nema potrebe. Hvala. Da li predstavnici radnih tijela žele riječ. Ne. Ima li pitanja? Nema. Otvaram raspravu. Zaključujem raspravu.

MOLIM ZASTUPNIKE DA SE IZJASNE O IZVJEŠTAJU IZ OBLASTI SPORTA ZA 2015. GODINU

Tko je za? Tko je protiv? Tko je suzdržan?
Za je glasalo 20 zastupnika, protiv ništa i suzdržano NIŠTA.

KONSTATUJEM DA SKUPŠTINA USVOJILA OVAJ IZVJEŠTAJ

Sada prelazimo na 20. Tačku a to je:

AD – 20.

IZVJEŠTAJ O RADU SA FINANSIJSKIM IZVJEŠTAJEM JU "STUDENSKI CENTAR" SARAJEVO ZA 2014. I 2015.GODINU

Izvještaj ste također dobili uz ovaj materijal. Molim predstavnika predlagača da podnese uvodne napomene. Ima li potrebe. Nema potrebe. Ima. Nemamo predstavnika predlagača. Evo trenutak imamo gđina Emira Kadrića koji je izrazio želju da želi da se obrati Skupštini. Ali treba nam predlagač.

Hajmo sada dok čekamo da ne gubimo vrijeme da se izjasnimo o zaključku odnosno o Prijedlogu uvažene zastupnice Kerle a to je ovaj Zaključak u vezi Zakona o imovini Kantona Sarajevo.

Dakle ja ću ga sada pročitati pa onda vas molim da se izjasnimo o tome.

„Skupština Kantona Sarajevo obavezuje Vladu Kantona Sarajevo i resorno Ministarstva da omoguće trajno korištenje nekretnina isključivo prema njihovoj namjeni subjektima iz oblasti obrazovanja, kulture, sporta, rekreacije i sportistima a koje budu upisane u vlasništvo Kantona Sarajevo prema odredbama Zakona o dopuni zakona o imovini Kantona Sarajevo po njegovom stupanju na snagu. Nekretnine iz tačke 1. ovog zaključka ne mogu biti predmet privatizacije ni otuđenja“.

Tko je za? Tko je protiv? Tko je suzdržan?

Konstatujem da smo ovaj zaključak usvojili sa 20 za, protiv ništa i suzdržano ništa.

- 0 -

Vraćamo se na tačku 20.

Predstavnik predlagača da podnese uvodne napomene u vezi Financijskoj izvještaja JU Studentski centar Sarajevo za 2014 i 2015 godinu. Izvolite uvaženi ministre Kazazović.

Ministar Elvir Kazazović. UVODNO IZLAGANJE

Predsjedateljica:

Hvala lijepo uvaženi ministre Kazazović. Da li predstavnici radnih tijela žele riječ. Ne. Ima li pitanja?

Poslanik/zastupnik Edin Forto:

Zahvaljujem. Ministar je spomenuo da je jedno vrijeme nije bilo UO ako se ne varam. Mogu li samo pitati iz kog razloga i čija je to bila odgovornost jer sada smo dobili i 014 godinu a u 106 smo godini. Pa ako možete samo kratko da nam kažete šta se dešavalo. I želim podsjetiti da smo u ovim skupštinskim klupama imali niz teških optužbi na račun rada ovog Studentsko centra. Mi sada opet na kraju sjednice raspravljamo o tome. Neki su već otišli. Hoću da kažem nemojte da nam ova tačka prođe tek tako. Hajmo malo raspraviti šta se dešava. Možemo li odgovoriti na ove rasprave koje smo imali u prošlosti. Hvala.

Ministar Elvir Kazazović:

Znači U nije postojao i prije dolaska ove vlade onda smo mi odmah raspisali javni poziv. Poslije raspisanog prvi put javnog poziva došlo je do određenih problema i nije Vlada imenovala. Poslije toga tražilo se i poništenje konkursa. Ponovo je raspisan javni poziv i evo to je tek sada završeno. Znači potrajalo skoro godinu dana. A moram naglasiti da prije toga prije dolaska u mandat ove Vlade da je bila upražnjena ta pozicija ne znam iz kojih tačno razloga. Evo tu je i direktor JU pa ukoliko ima nekih pitanja on može to detaljno da obrazloži.

Predsjedateljica:

Hvala lijepo uvaženi ministre. Evo gđin direktor se obratio Skupštini sa željom da upravo želi ne da prisustvuje nego da se obrati Skupštini. Ustvari ja želim da vas pitam da li ćemo mu dozvoliti da se obrati Skupštini. Tko je za? Svi smo za. Izvolite uvaženi direktore Emir Kadrić obratite se Skupštini.

Direktor Studentskog Centra Emir Kadrić:

Hvala. Poštovana Vlado, predsjedništvo, uvaženi zastupnici hvala vam zaista što ste mi omogućili da se pojavim ovdje. Kolega je zaista kazao da se u zadnje vrijeme bilo dosta priče o Studentskom centru. Ja tvrdim odgovorno najodgovornije da je potpuno bespotrebno bez ikakvih argumenata sve što je kazano od strane jednog ili dva čovjeka. Neargumentovano totalno. Ovo što se tiče nepostojanja UO i NO Studenskog centra najmanje smo krivi mi u Studentstkom centru ali odgovorno tvrdim da smo radili (nerazumljivo) visokoobrazovanim ljudima kojih ima 17 unutra vrlo odgovorno racionalno itd. Koristim priliku prije svega da se ovdje zahvaljujem ovoj Vladi i ovoj Skupštini koja je po prvi put od 2000 godine kako su preuzeta osnivačka prava definitivno utvrdili visinu sredstava potrebnih za funkcionisanje Studenskog centra koje po osnivačkom aktu iznosi 43,6 posto bruto ličnih dohodaka uposlenih, i mi smo u razgovoru sa ministrom finansija pred sami budžet došli do konačnog rješenja i ja vas sada uvjeravam vrlo odgovorno da mi ovih pola godine 2016 godine potpuno regularno poslujemo bez ikakvih problema upravo zbog toga što su nam omogućena sredstva koja su nam potrebna a u skladu sa odlukom ove Skupštine. Drugim riječima hoću da kažem da bi bilo jako dobro da se odluke ove Skupštine obzirom na ingerencije koje su tim osnivačkim aktom a i zakonom o ustanovama ostavljene da se ova Skupština na neki način izjasni da zahtjeva da se i u buduće poštuju ove odluke kako Studentski centar ne bi zapadao u krizu. Sve druge priče o kojima je trebao da se neko izjašnjava ili mi mi smo se izjasnili na svako poslaničko pitanje i otvorene su određene istrage. I ni jedna istraga nije pokazala ni jednu nepravilnu radnju. O tome ste trebali da budete informisani od onih koji su postavljali pitanje i dobili odgovore. Zaista ja ne vidim ni jedan valjan razlog da bilo ko sumnja u naše iskrene namjere. Mi smo vrlo odgovorna društveno osjetljiva ustanova i svaka insinucija može dovesti do nesagledivih posljedica. Pazite mi imamo vrlo obrazovane mlade ljude, mi smo reprezentacija BIH u mladom, tu su studenti svih fakulteta svih regija iz BIH, svih godina, i nije nimalo se šaliti sa takvom populacijom, a ja sa svojim saradnicima dugo ovaj posao radim. Ono što se tiče negativnog poslovanja Studenskog centara u ove zadnje dvije godine samo ću obrazložiti isključivo je razlog što imamo obračunatu amortizaciju a nepokrivenu, imamo nepokrivena osnivačka prava kroz finansije 43,6 posto bruto ličnih dohodaka. Mi svoje poslovanje radimo isključivo u skladu sa zakonom, isključivo u skladu sa svim pozitivnim propisima iz oblasti računovodstva, revizije i međunarodnih standarda, to je uostalom na našu veliku sreću a evo ovdje trebam da podvučem dobili ste u materijalu, zamolili smo vrlo kompetentan NO koji je imenovan otprilike prije mjesec dana oni su pregledali vrlo detaljno sve naše knjige koristeći revizorski izvještaj nezavisne revizije zadnje dvije godine, uostalom i ostalih godina iz prethodnog perioda i utvrdili su da Studentski centar posluje i poslovanje vodi isključivo u skladu sa svim pozitivnim zakonskim propisima i nema fule. Zato, ja da ne dužim , odgovorno tvrdim da sve ovo što smo mi prezentirali je u skladu sa svim, uostalom to je i konstatovano ja vam od srca predlažem da usvojite ovaj naš izvještaj da nam omogućite kako je ovih pola godine omogućeno, uz pomoć ove vlade da poslujemo pozitivno, i uvjeravam vas ako ovim tempom budemo išli mi dogodine kada budemo izvještaj bilo kom nivou mi jesmo po osnivačkom aktu isključivo nadležnosti Ministarstva obrazovanja jer ono vrši zakonitost nad našim radom, mi ćemo ja vas uvjeravam hiljadu posto poslovati pozitivno, kvalitetno i bit ćemo jedna od najrespektabilnijih ustanova. I još jednu rečenicu samo ako dozvolite na kraju, molim vas s gnušanjem odbijam sve insinuacije tipa moje ličnost, moje porodice i svih onih koji rade u Studentskom centru jer ne zaboravite 262 radnika u Studentskom centru su vrlo korektni, vrlo dobri radnici, radnici za ponos ovog kantona i neću nikada dozvoliti da e na onakav način vrši obrušavanje na njih. Ja vas još jednom najiskrenije molim, odgovorno molim da ovaj izvještaj akceptirate, primite k znanju već šta vam sljeduje u skladu sa zakonskim propisima kako bi dogodine imali poziciju da vam dogodine prezentiramo jedan vrlo, vrlo pozitivan izvještaj. Po treći put ponavljam zahvaljujući isključivo ovoj Vladi koja je našla razumijevanje i obezbijedila dovoljno sredstava za naše funkcionisanje. Ja mislim da je dovoljno. Hvala.

Predsjedateljica:

Dovoljne je uvaženi direktore Kadrić. Otvaram raspravu.

Poslanik/zastupnik Neira Avdibegović:

Hvala uvažena predsjedavajuća. Pa evo kao što smo svi ovdje upoznati kolega Mario Vukasović zastupnik već par mjeseci se bavio radom JU Studentski centar i upravo na njegovu inicijativu, a zaključkom ove skupštine ovdje mi danas razmatramo izvještaj ove ustanove za 2014 i 2015 godinu. Ja neću ponavljati neke podatke i činjenice koje su već ranije na prethodnim sjednicama pomenute, ja ću se osvrnuti na par ključnih elemenata isključivo iz ovih materijala koji su danas pred nama. Dakle nezavisni revizor je za 2014 i za 2015 godinu dao mišljenje sa rezervom. U tom mišljenju je navedeno da zbog propuštenog evidentiranja kamata i troškova prinudne naplate ustanova iskazuje manje obaveze od stvarnog stanja za čak 1,4 miliona KM na dan 31.12.2015 godine. Zbog neplaćanja poreza i doprinosa u periodu od 01.01.2008 do 31.12.2015 zaostale obaveze iznose 5,2 miliona Km. Gubitak ustanove u 2015 iznosi 278.000 KM. Poređenja radi: izgradnja teniskih terena je koštala blizu 200.000. na terenima je postavljena rasvjeta reflektori što je koštalo gotovo novih 30.000. Nabavka opreme za sportske terene stalci mreže ravnalice dodatnih 35.000. teniski tereni koje najmanje koriste studenti su izgrađeni bez dozvole osnivača. Nisu obezbijeđen građevinske i upotrebne saglasnosti i dakle troškovi izgradnje istih su ustvari u visini ostvarenog gubitka ustanove u 2015 godini. Podsjetiti ću da Kantona Sarajevo izdvaja 1,2 miliona KM za rad ove ustanove. S duge strane iako je primarna djelatnost ustanove da obezbjeđuje životni standard studenata za studente se ne čini apsolutno ništa. Uslovi života u domovima su izuzetno loši za 16 godina nije donešen ni zakon o studentskom standardu. Broj uposlenih je za vrijeme mandata direktora porastao sa 100 na gotovo 300 dok je broj korisnika u padu za oko 500 studenata. Inspekcija rada je utvrdila slučajeve nepotizma a nalaz od 13.01. govori da je veliki broj uposlenih primljen bez potrebnih kvalifikacija. U ovaj predmet se uključilo i Kantonalno tužilaštvo. Dakle na osnovu svega naprijed navedenog Klub DF-a u Skupštini Kantona Sarajevo neće podržati izvještaj JU Studentski centar za 2014 i 2015 godinu. Toliko.

Predsjedateljica:

Hvala lijepo uvažena zastupnice Avdibegović. Ima li još neko za raspravu. Nema. Zaključujem raspravu.

MOLIM ZASTUPNIKE DA SE IZJASNE O IZVJEŠTAJU O RADU SA FINANSIJSKIM IZVJEŠTAJEM JU "STUDENTSKI CENTAR" SARAJEVO ZA 2014. I 2015.GODINU

Molim službu samo da provjeri da li imamo kvorum? Imamo. Dobro.

Tko je za? Tko je protiv? Tko je suzdržan?

Za je glasalo ništa zastupnika, protiv 6 i suzdržano 12 zastupnika.

KONSTATUJEM DA SKUPŠTINA NIJE USVOJILA OVE IZVJEŠTAJE ZA 2014 I 2015 GODINU.

Obzirom da smo iscrpili sve tačke dnevnog reda današnje sjednice zaključujem sjednicu sa 14,30 sati. Hvala lijepo. Vidimo se večeras na druženju.

